


LESWAO LA GODIMODIMO

 Ke a go leboga. [Ngwanešu o re, “Gomme re nyaka go go laletša morago, amene, e ka ba ngwaga go tloga bjale, nako efe kapa efe. Amene.”—Mor.] Ke a le leboga. Ke le leboga kudu. Modimo a le šegofatše. Ke a le leboga. Ke a le leboga, kudu. Nna, seo ka kgonthe se ntira ke ikwele go amogelwa. Ke le leboga kudu. Ke thabela seo.

² Gomme dinako tše dingwe badiredi, le a tseba, ge re bea matsapa ohle ao re ka kgonago thwi ka go e ka ba eng, gona le a bona e lebogwa ke batho, nna, seo se no go dira o ikwele gabotse kudu. Ka kgonthe ke a le leboga, ka mehla ke tla be ke le rapediša. Gomme ge Morena a rata, ke tla ba morago gape. Gomme ke tla rata go tla morago le go bona . . . [Phuthego e opa magoswi—Mor.] Ke a le leboga. Ge A diega gomme e le thato ya Gagwe, re tla ba morago go le bona gape.

³ Le ke la ka, ke a dumela, e ka ba leeto la ka la boraro mo go le bjalo. Gomme kafao re be re holofetše go tla morago ge re ka kgona go dula mohlomongwe boteletšana gannyane, go hwetša mabala, le go ya pele, lebakana le lennyane boteletšana gomme . . . [Phuthego e opa magoswi—Mor.] Ke a le leboga. E bile bo—bo boipshino bjo bogolo, ye nngwe ya dikopano tše kaonekaone re bilego le tšona ka go ye telele, nako ye telele, kopanelo ye kaone bjalo, tirišano, lerato. Seo ke selo se se tološago dipelo tša batho mmogo, ke lerato la Modimo.

⁴ Gomme tšohle tšeo ke di tsebago, gomme ke tla . . . Ge nkabe ke bile le dimpho tšohle tša Modimo ka go lefelo le legolo bogolo leo nka kgonago go ya ka gare le go amogela mpho e ka ba efe yeo ke e dumilego, ke tla amogela lerato ka godimo ga e ka ba eng ya tšona. Bokaone ke be le lerato go feta dimpho tšohle tšeo Modimo a nago natšo, gobane “moo go lego maleme, a tla fela; moo go lego seprofeto, se tla šitwa,” eupša ge e le lerato, le kgotlelela neng le neng, gomme ke . . . lerato.

⁵ Ke no nagana leo ke le legologolo, lentšu le lebotsebotse, *lerato*. Le kgaogantšwe ka mantšu a mabedi a go fapana. Go na le le—le lerato le le bitšwago lerato la *phileo*, leo ke lerato le re nago nalo yo motee go yo mongwe, la tlhago. Gomme morago go na le lerato la *Agapao*, le le tšwago go Modimo, leo ke ditlhomphe tša bomodimo le lerato. Gomme ke thabile kudu go ba mo ka kopanelong ye morago ga sekgalela se moo bobedi magato a lerato a šomago, kopanelo seng sa rena, le lerato la Modimo le tšholletšwe ka bophara ka dipelong tša rena ke Moya wo Mokgethwa.

⁶ Ke nyaka go leboga khwaere ye nnyane yela. Gomme Ngwanešu Borders o nno tla godimo le go re go nna, o rile,

“Ngwanešu Branham, yeo ga se khwaere ye e hlaotšwego, bao e no ba batho ba lesolo, feela ba go fapana.” O swanetše go hwetša leina la yo motee go yo mongwe le go dira khwaere, yeo ka kgonthe e lokile. Gomme ka kgonthe ke rata molaetša wa gago le nna, gore o tswetšwe gape. Ke thakgetše go kopanela le wena go seo, ke tswetšwe gape le nna ka Moya wa go swana le ka lapeng la go swana, gomme le ngwanešu le kgaetšedi wa ka ka seo.

7 Leo ke lefelo le nnoši moo kopanelo e ka tsogego ya ba, ke ka tlase ga Madi a Jesu Kriste. Modimo o dira sephetho, go swanetše go ba ka tsela yeo go ya go ile. Gomme sephetho sa mathomo sa Modimo go tliša batho ka kopanelong le Yenamong e bile ka tlase ga madi, go tloga serapeng sa Edene go fihla wona metsotso wo, leo ke lefelo le nnoši leo Testamente ya Kgale, lefelo le letsee feela, leo e be e le ka tlase ga madi. Jobo, ka fao a emego pepeneneng go seo, a tseba ge ba mmiditše modiradibe wa sephiri, efela o tsebile o be a le ka tlase ga madi a tšholotšwego, gomme se sengwe le se sengwe se be se swanetše go loka. Kafafo re thabetše seo lehono.

8 Ke no se tsebe mokgwa wa go hlagiša ditebogo tša ka bakeng sa baena ba bakaone ba fa, lena baena. Le bile ba bakaone bjang, ga se nke ka ke ka ba le thekgo ye kaonana bophelong bja ka, le nno ba dikgwari ka go se sengwe le se sengwe. Ke a tšhepa gore Modimo o tla bea mollo wa tsošetšo ka go ye nngwe le ye nngwe ya dikereke tša lena seo se tla no—no, le tla swanela go aga dikereke tše kgolwane, le go ngangela ntle, le go gogela ditente tša lena godimo, le go ngangela kgojana, le go no ya thwi pele. Gomme a nke mello ya tsošetšo e se tsoge ya fela go fihla re bona Jesu sefahlego ka sefahlego.

9 Fao ga se gwa ke gwa ba selo se re se kgopetšego goba eng kapa eng, eupša se sehlopha se sa banna se bego se no ba go phethagala go thuša ka tsela ye nngwe le ye nngwe ba kgonnego, ba dutše godimo mo sefaleng, ba emela Molaetša. Gomme, le a tseba, yo mongwe le yo mongwe wa rena a ka no ba le se sengwe se sennyane *fa goba fale* seo re ka se dumelelanego seng sa rena, ga se gwa ke gwa ba lentšu le tee le boletšwego, feela e ka ba eng le lego, re a le tšea le go sepelela pele thwi. Bjale, seo ke se le se bitšago kopanelo, yeo ke nnete, kopanelo ya kgonthe.

10 Modimo a le šegofatše, baena ba ka. Bošego ga bo tsoge bja ba leswiswi kudu, goba pula ya na thata kudu, eupša se ke tla le direlago e ka ba eng nka kgonago, go le rapediša nako yohle. Le nthapedišeng, ke lokišetša go betha mašemo a mangwe a boromiwa, le mafelo a mangwe a makgwakgwa, ke tla be ke ithekgile, ke na le sehlopha sa baena mo ba nthapediša. Le a bona?

11 Ke holofela go ba morago le lena gape ka pela, nako ye nngwe ge re ka kgona go dula boteletšana, gomme—gomme go no ba le nako moo re ka se swanelego go hlaganela, le go tabogela ntle, le go tabogela ka gare ka mokgwa woo. Seo se dira yo mongwe

le yo mongwe go tšhoga, gomme sona, batho ba ba rapeletšwego, se ba dira go tšhoga. Feela e ka ba ka nako ba thoma go leka go kwešiša seripa se o otlelago go sona, gona o swanetše go ya, le a bona, gomme ga ba e hwetše.

¹² Eupša a nke ke bolele se go lena: Ge ke hweditše mogau mahlong a lena, go tla ba ba bantši, batho ba bantši ba tlogo mo ba ba bego ba babja, mohlomongwe ba ka se e tsebe ka nako ye, eupša šetšang gomme le hwetše ka dikerekeng tša lena le dilo, baena, go bile le. . . dilo tše dintši kudu di diregile fa go fihla ebile ke sa kgone go di bitša feela ntle godimo ga batheeletši ka mokgwa woo, feela ka lebelo ka mo go kgonneggo go direga. Gomme ke nno se kgone go e dira, gomme ke naganne, “Gabotse, ge feela ba babedi goba ba bararo, goba ba bane, ba bahlano, ba tshela, e ka ba eng e bilego, ba boletše le, ka moka ga bona ba tla kwešiša.” Go bile le tumelo ye kaone ntle fale, le tumelo fa, mogohle go bile le tumelo ye kaone, ke a e leboga.

¹³ Gomme go. . . Ke na le ba bangwe ba baena ba ka mo bao ke sego ka ke ka ba bona le bjale ka kopanong, ke ba bone godimo go kereke ya. . . sinagoge letšatši le lengwe. Ngwanešu Fred Sothmann, yo mongwe wa bahlokomelaphahlo ba rena go tšwa kerekeng, Ngwanešu Fred, a o mo? Emelela, ge o le gona. Ngwanešu Fred Sothmann, moragorago go leba morago kua, yena le mosadimogatša wa gagwe le lapa.

¹⁴ Gomme ke a kwešiša gore Ngwanešu Tom Simpson o fa le yena, bagwera ba Macanadian ba diiletšego le rena ka Jeffersonville. O go kae, Ngwanešu Tom le lapa la gagwe? Ngwanešu Tom le yena morago, bjale go tloga fa go ya ntle go mohuta wo mothata, seetša se phadima kgahlanong le seo godimo kua, ga ke kgone go bona.

¹⁵ Ngwanešu Banks Wood, ngwanešu yo mokaone yo a bego a le Hlatse ya Jehofa, gomme o tlile go ye nngwe ya dikopano, gomme o bone ka fao Morena a bego a šoma. Gomme mosadi, goba, mohumagadi yo moswa yo a bego a na le se mo. . . o be a fetoga letlapa ka maotong a gagwe le matsogong a gagwe, o be a sa kgone go di suthiša, di be di no ba mpapatla. Gomme re mo rapeletše, Moya wo Mokgethwa o tlile godimo bošego bjo bongwe, le go e bega, gomme morago wa mmošša, “O RIALO MORENA, o ya go loka.” Gomme mosong wo o latelago, o be a kitimetše godimo le fase dikgato tše tharo goba tše nne, gomme a tla ka moagong a tumiša Modimo letšatši la go latela. Bjale, seo se mo makaditše.

¹⁶ Kafao o bile le mošemane, David, moisa yo moswa, o bile le polio, leoto le gogetšwe godimo ka tlase ga gagwe. Ke ile go tloga kopanong yela go ya Sweden, Switzerland, goba, Sweden, ke a dumela e be e le, le Norway. Gomme ka gona ge ke etla morago ke bile le kopano godimo ka. . . godimo ka Ohio kua, ke lebala leina la lefelo, kgauswi le Matsha a Magolo.

17 Gomme bošego bjo bongwe, ge ke be ke sa bolela, le mašaba a magolo a batho, gomme ke bone mošemane yo monnyane a apere jase ye serolwana, o bile le leoto le tee le gogetšwe godimo, a hlotša ge a be a leka go sepela. Gomme Moya wo Mokgethwa o retologetše go dikologa go Banks Wood, tlasetlase go tšwa LaGrange, Kentucky, ka mo—mo mošemane yo monnyane wa segole, gomme Morena o be a eya go mo dira a fole, o be a eya go fodišwa. O be a se a swanela go leta, thwi nako yeo leoto lela la go golofala la otlologa.

18 Ngwanešu Wood o fa lehono felotsoko. Ga se ke mmone ge e sa le, eupša ke a tseba o fa, ke morekiši wa puku. Morwa wa gagwe, mošemane yola ka leoto la go golofala, ga a kgone, o swanetše go ema, a ithute nako ye nngwe ke leoto lefe le bilego, le lokišitšwe. O nyetše gomme o na le bana ba babedi ba bakaone, yena le mosadimogatša wa gagwe ba na le rena lehono.

19 David, a o ka gare felotsoko, ka moagong? A o ka emelela? Ge nka kgona go bona, ke . . . a o . . . Dafida, ee, šole yena. Hlatse šeo go maatla a Modimo, David Wood, mošemane wa segole ka pholio, gomme bjale o phela feela sekeng, gomme leoto la gagwe le no ba go phethagala bjalo ka ge leo . . . le ka kgona go ba. Mogau wa Modimo!

20 Ngwanešu Wood, Ngwanešu Banks Wood, le Kgaetšedi Wood, ba . . . le tseba se ba se dirilego? Ke rakonteraka, le yo mokaone le yena, moagi, o tlile godimo go tšwa sekolong sa borakonteraka le baagi. Eupša ge A dirile seo, o sokologile, ke mo kolobeditše, o amogetše Moya wo Mokgethwa.

21 Gomme ka gona, nnete batho ba gagwe e le Hlatse ya Jehofa, ka pela ba be ba eya go mo kgaola, thwi bjale. Kafao ngwanabo o tlile tlase go bolela le yena, gomme o be a nyaka go tseba mo “moreri wa bofora” yo a bego a kitima le go bapala le yena.

22 Gomme Mna. Wood o rekišitše se sengwe le se sengwe a bilego le sona, o hirišitše magae a gagwe, gomme o sepeletše, gomme o dula thwi kgauswi le nna, go lefelo lohle, thwi kgauswi le nna. Gomme ke a le botša, ke thabile nka kgona go bolela se ka Ngwanešu Wood morago ga sekgalela se: ke Mokriste wa Ditiro 2, monna wa kgonthe.

23 Gomme ngwanabo o tlile tlase go bolela le yena. Gomme ba be ba . . . Tatagwe e be e le mmadi ka go Hlatse ya Jehofa le monna wa go loka. Gomme ke be ke se ka ke ka bona yo mongwe wa batho ba gabo. Kafao ngwanabo o tlile tlase go bolela le yena, gomme o maketše moo “moreri yola wa bofora” a bego a le gona.

O rile, “O ntle *kua* o ripa bjang, jarata.”

24 Ke tlile ka gare ke rwele kefa ya kgale ya go kgeiga, ka dula fase gomme ka bolela le yena, gomme Moya wo Mokgethwa wa tla fase gomme wa re, “O—o monna yo a nyetšego, o tlogetše mosadi wa gago, o na le bašemane ba babedi ba bannyane.”

Gomme o lebeletše go dikologa go Ngwanešu Wood morago kua, mo o ka rego o re, “Ee, o mmoditše seo.”

25 Ke rile, “Ke tseba se o se boletšego. Eupša ga se nke a go botša se: O kitima gohlegohle le mosadi, gomme o na le moriri wo mohubedu. Gomme, mašego a mmalwa a go feta o be o eme mojako, yo mongwe o kokotile lebating gomme ke selo se sebotse ga se o ye ge o lebeletše go kgabola lefastere, gobane monna nkabe, a thuntše hlogo ya gago ka sethunya.” Seo se e dirile. Morago ke mo kolobeditše, o hweditše Moya wo Mokgethwa.

26 Morago go theoga go tla kgaetšedi, mosadi wa go ratega, o tlile tlase, o be a nyaka go bona se e bego e le mabapi le sona. Ke mo kolobeditše, o hweditše Moya wo Mokgethwa. Morago tate o ile a huduega gohle, gomme o tlile tlase. Nnete, o be a eya go tla tlase le go mpošolla gabotse, gobane ke be ke le phošo gohle ka go Thuto ya ka.

Ngwanešu Wood o rile, “A re no mo iša go thea dihlapu.”

27 Ke rile, “Go lokile.” Kafao re thomile go ya tlase ka Kentucky, go thea dihlapu. Ke be ke no ya go mo dumelela go dira polelo. Yeo ke tsela ye kaonekaone, le a tseba, a nke ba bitše se—se selo.

28 Kafao mosong woo, e nele bošego bjohle, gomme mosong wa go latela ge re tshetše Noka ya Ohio, ke rile, “Gabotse bjale, dinoka tšohle . . .” Pono e tlile, ke rile, “Dinoka tšohle di ya go ba leraga. Re ka se kgone go thea dihlapu go fihla re fihla lefelong le moo re yago,” e ka ba dimaele tše lekgolo. “Gomme morago, go ya go ba go gobotse ka kgonthe le go apoga, gomme re ya go thea dihlapu, pula e nno e feta, gore re kgone go thea dihlapu. Gomme ka gona, re a ya, lehono, ga re ye go swara e ka ba eng.”

29 “Gomme bošegong bjo, go bapa go leba leswiswing, Mna. Banks Wood, fa, o ya go swara hlapu ye nnyane, hlapikatse, gomme ke ya go swara molokoloko wohle wa tšona. O ya go šomiša tšeletši ya go swana, thwi hleng le lehlakore la ka, gomme ke ya go ba le lenti ka moka. Gomme morago, re ya ka gare e ka ba ka iri ya lesometee. Mosong wa go latela re tla ntle, gomme ke ya go swara hlapu ye kgolo ka magatlapi godimo ga yona, ga ke kgone go bona feela ke mohuta mang, eupša e ya go ba hlapu ye kgolo. Go ka se sa swarwa letšatši ka moka.”

30 Ke bone Mna. Wood, Rakgolo Wood, a lebelela go dikologa ka mokgwa woo, gomme a re, o ka re o re, “Oo, ee, re tla bona ka fao seo se tlogo ntle.”

31 Kafao tseleng go theoga re boditše, gomme Banks o be a mmoditše ka fao dipono (Gomme go beng ntle, Ngwanešu Banks le nna re phela mmogo, re robala mmogo, re no ba banešu.), le ka fao a bonego godimo nokeng, gomme Lyle o be a na le yena, ka fao, ke swere hlapu morago ga sekgalela se sengwe, ke rile, “Se sengwe se lokela go direga. Go ya go ba le tsogo ya bophelo.”

³² Gomme mosong wa go latela re be re swara dihlatswana go bea godimo ga manti a go thea dihlapu, gomme Mna. Lyle, ngwanabo Banks, o swere e tee, o meditse huku tlasetlase. Ga se a e thekgola ka pela go lekanela, gomme a e thuhlula go tšwa meetseng, gomme a no goga mala, le maswafo go tšwa mogolong wa gagwe, a e lahlela ntle godimo ga meetse, a re, “Moisa yo monnyane, o ragile phušuu.” Gomme e nyokanyokile gannyane nthatana, ya robala kua le go thatafala, hlapi ye nnyane, ye, se le se bitšago mo, kerepola, ke a thanka. Gomme e phaphametše go dikologa godimo ga meetse lebaka la e ka ba seripa sa iri, gomme ya phaphamala morago ka go di—di—di dilili tša mogobe le dilo.

³³ Gomme ke be ke eme fale ke thea dihlapu, godimo ka lehlakoreng la sekepe ka mokgwa *wola*, gateete Sengwe se tlile fase go kgabola mehlare yela, se rora tikologong, ba Se kwele, eupša ga se ba Se bona. E be e le Seetša sela se dikologa go dikologa godimo kua, se rile, “Emelela, bolela le hlapi yela ye nnyane, gomme e tla ba le bophelo bja yona morago.”

³⁴ Ke bileditse šedi go baena. Ke rile, “Hlapi ye nnyane, Leineng la Jesu Kriste, ke go fa bophelo bja gago.” Hlapi yela ye nnyane e phethogile, ya thutha thwi ntle go kgabola noka ka maatla ka fao e bego e kgona go ya, ka mokgwa *woo*, gomme. . . Seo se bonala e le nonwane, eupša Lentšu la Modimo *šele*, gomme Modimo ke Moahlodi wa ka.

³⁵ Gomme—gomme kafao Ngwanešu Lyle o nno wa, godimo ka sekepeng, o rile, “Seo se be se era nna, Ngwanešu Branham.” O nno phološwa le go tlatšwa ka Moya wo Mokgethwa feela lebakana le lennyane. Gomme o rile, “Seo se be se era nna.” O rile, “Seo ke sohle se lego go yona,” o rile, “gobane ke rile go hlapi yela ye nnyane, ‘O ragile phušuu.’”

Ke rile, “Aowa, E be e no ba Bogona bja Gagwe.”

Ngwanešu Banks, morago kua, o emeletše, o rile, “‘Ke mo gobotse go ba mo. A re ageng ditabarenekele tše tharo.’”

³⁶ Oo, gomme letšatši leo ka morago, feela tlwa se se boditšwego Rakgolo Wood, se diregile feela tlwa, tsela ya go swana, hlapi ya go swana, feela tlwa palo ya go swana, letšatši la go latela ge re tloga, ke rile, “O nagana eng, Mna. Wood?”

O rile, “Gabotse, go botse gabotse ge motho a ka bona hlapi pele a e swara.”

³⁷ Kafao ke rile, “Go reng ka yona?” Bjale, ke mo hlahletše go Kriste, ke mo kolobeditše le mosadimogatša wa gagwe. Lapa la gagwe ka moka bjale le kolobeditšwe ka go Morena, le go tlatšwa ka Moya wo Mokgethwa, le go phela bophelo bja phenyo. Woo ke mogau wa go makatša.

³⁸ Ngwanešu Wood, a o mo? O go kae Ngwanešu Wood, Kgaetšedi Wood? A o ka moagong? Emelela, ge o le. Fao, ga ke kgone go ba bona. E ka ba mang a lebeletšego morago a ka kgona

go ba bona? Oo, ee, thwi morago ka morago. Go lokile, Ngwanešu Wood, seo se kaone.

³⁹ Gabotse, a re boneng. Gabotse, ga ke ye go ba le nako ye ntši gape. Bontši kudu bja bagwera ba ka, Ngwanešu Gene Norman, ngwanešu yo bohlokwa. Ke rata bjang go bolela dilo tše dingwe tšeo di diregilego godimo fale! O šuthile gomme o ile Tucson. Ke be ke na le yena letšatši le lengwe leetong la go tsoma. Ke duma ge nkabe ke na le Ngwanešu Fred, le bona, go paka ka dilo! Gobaneng, se . . . ge re be re le leetong le lennyane lela la matšatši a mararo a go tsoma, bontši bo diregile go leba Mmušo wa Modimo go feta o ka kgona go tšea histori go tloga nakong ya Martin Luther tlase go nako ye. Yeo ke nnete.

Ngwanešu Fred o rile, “A selo se sebotse e lego sona!”

⁴⁰ Ngwanešu Norman, a wena le Kgaetšedi Norman le ka moagong? O go kae? Ke—ke duma o ka emelela, ge o le gona. Šole yena. Ee, mohlomphegi. A le kwele lentšu lela, *über alles?* Monna wa Motatšhe, le a tseba. Lena . . . Ke ba bakae ba tsebago se *über alles* go se rago? “Godimo ga tšohle, godimo ga tšohle.” Go lokile. Yeo ke nnete.

⁴¹ Gabotse, go ne . . . Ke thakgetše go ba fa le lena batho. Modimo a le šegofatše. Ke nno kwa metsotso e se mekae ya go feta, ge ke be ke bolela le Billy ka ntle, ditshenyegelo tšohle di dirilwe. Ke a le leboga bohle. Morena a le šegofatše. Ke boditše molaodi ka mehla, Mna. Borders mo, nako efe kapa efe, le se tsoge la gatelela batho, ge ditshenyegelo di se tša dirwa, ke tla romela gae go kereke ya ka mong goba felotsoko, re tla e hwetša. Le a bona? Gomme ga re tsoge ra nyaka go gatelela, go kgorometša, goba e ka ba eng.

⁴² Ka gona Billy o mpotša gore ba tšere moneelo bakeng sa ka. Ke a le leboga, Modimo a le šegofatše. Ga se ka tlela morero woo, bagwera, ke tla mo go leka go le thuša. Eupša le abelana bophelo bja lena le nna, ke tla dira se sengwe le se sengwe nka kgonago, ka mogau wa Modimo, go bona gore e ya go Mmušo wa Modimo, ka tsela ye nngwe le ye nngwe nka kgonago. Ke a tshepa gore Modimo o tla le agela legae ka Lehlakoreng le lengwe, la go se hwe, leo le ka se tsogego la timelela, la se tsoge, la se tsoge la hloka go lokišwa.

⁴³ Go fihla re kopana godimo kua ka Lehlakoreng lela, elelwang, ka mehla ke ngwanabolena, ke leka go le direla eng kapa eng nka kgonago. Nngwaleleng, ge nka kgona go le romela lešela la thapelo, se sengwe ke se rapeletšego, ke tla thaba go se dira.

⁴⁴ Bjale, ge go etla go botšišeng dipotšišo, go kaonekaone gore le botšiše badiša ba lena, ka mehla ke e tlogela ka tsela yeo, gobane, le a tseba, go kaonekaone go botšiša badiša. Eupša ge nka kgona go go thuša ka tsela e ka ba efe go go rapelela, goba go go direla e ka ba eng, nngwalele. Ga ke leke go hwetša aterese ya gago,

gobane ke . . . Ke leka go hwetša yo mongwe, go nthuša go araba mangwalo.

⁴⁵ Ga ke ne mananeo a itšego go thekga, ga go selo le gannyane. Dipuku tšela morago fale, ga se tša ka, Mna. Wood o rekile dipuku tšela yenamong go tšwa go Ngwanešu Gordon Lindsay, le mafelo a mantši, gomme o no di tliša mmogo bakeng sa batho, feela bakeng sa batho. Ga re hwetše sente e tee go tšwa go yona, ga re tšee selo.

⁴⁶ Mokgonyana wa Ngwanešu Fred Sothmann o rekiša ditheipi. O na le tšona fase kudu go fihla a *no* kgona go di dira, ke phetho. Gomme kafao ba ne ditheipi, goba e ka ba eng ge re ka kgona go le thuša, re fa go e dira, e ka ba eng re ka kgonago go e dira. Modimo a le šegofatše.

⁴⁷ Gomme ke sodipa dithapelo tša lena bakeng sa ka, e ka ba kae ke yago. Gomme ge nka se tsoge ka kopana le lena gape. . . Bjale, ke a tseba ge nka bowa morago ngwaga go tloga bjale, go ne ba bangwe, ge nka phela ngwaga wo mongwe, gomme Jesu a diega, go ne ba bangwe fa morago ga sekgalela se ba ka se bego fa nako yeo, le ya pele, ye ke kopano ya rena ya mafelelo. Eupša ge ke kopana le lena ka Lehlakoreng le lengwe, moo bohle re tsofago ka go moloko wo, ke tla be ke sa ne kanegelo ya go swana, ka mogau wa Modimo. Yeo ke nnete.

Mogau wa go makatša! modumo o bose bjang,
 Wo o phološitšego leratha boka nna!
 Nkile ka lahlega, gomme bjale ke hweditšwe,
 Ke be ke fufetše, eupša bjale ke a bona.

⁴⁸ Modimo o a le rata, le go le šegofatša. Gomme elelwang, ge diphefo di foka thata, mašego a leswiswi le ledimo, le dingakabaloi ka lehlakoreng le lengwe le le lengwe, le go le hlohla go yona, ke tla be ke gopola gore ke na le batho godimo mo ka Lebopong la Bodikela ba a nthapediša.

⁴⁹ Go fiša kudu morago ga sekgalela se go nna go rera se ke bego ke eya go bolela ka sona, kafao Billy o mpoditše ntle kua, o rile, “Papa, o tla ba kaone,” o rile, “o tšhepišitše go tšea dikarata tšela tšohle tša thapelo,” o rile, “o tla ba kaone ge o ka no sepelela ka fale, le—le—le go leboga batho, le—le go sepelela ntle.” Eupša ke tla ikwela boka moeki go Kriste, ge ke se ka bala Lengwalo, le go bolela se sengwe, seo se lokilego.

⁵⁰ Gomme re ya go rapelela ba—ba balwetši le gona, karata ye nngwe le ye nngwe ya thapelo. Bjale, ke no kgopela ge le ka rata, e nong go ba tlhompokgolo ka mo go kgonegago, gomme ke tla hlaganela thwi. Ke selo sa go tlabo gore kopano ye e tla ka sona, ka fao e tlogo go direga, eupša Morena o e tlišitše go phethega.

⁵¹ Bjale, pele re batamela Lentšu, a re batameleng Mongwadi wa Lentšu, Morena Jesu, ka tsela ya thapelo.

52 Tate wa rena wa Mogau, re a Go leboga bakeng sa botho bja Gago le kgaogelo ya Gago. Wena o Modimo, go tloga gosafelego go ya gosafelego, Wena o Modimo. Gomme, Morena, kopano ye nnyane ye tlase mo le banna ba bakaone ba, bahlanka ba Gago, batho ba bakaone ba ntle kua ba ba ilego tlase ka dipotleng tša bona go—go thekga kopano ye ka mašelang, le go lefela bophelo bja bona, ke a rapela, Modimo, gore boka borotheo godimo ga meetse, bo tla bowa.

53 Ke rapelela badiredi ba, dikereke tša bona, batho ba bona, Modimo, a nke dikereke tša bona tše nnyane di gole go fihla e phatlalala, gomme a nke go tšwa dikerekeng tša bona go ye baebangedi ba maatla le baromiwa go lefase lohle. A re šomeng, Morena, ka gore re a tseba ga re na le nako ye ntši go šoma, re bona nako e tswalela ka gare.

54 Ka pela re lebeletše Morongwa yo a tla beago leoto la gagwe godimo ga naga le godimo ga lewatle, gomme a phagamišetša seatla sa gagwe godimo le go ena ka Yena yo a phelago go ya go ile le go ya go ile, nako e ka se sa ba gona. O rile ka nako yeo sephiri sa Modimo se tla be se fedile.

55 Re a kwešiša bjale, Tate, gore sephiri sa go menagana gararo sa Modimo se dirilwe go tsebja go rena. Gomme re a kwešiša, gomme re lebeletše bjale bakeng sa Medumo yela ya sephiri yeo e tlilego ntle go tšwa Legodimong, ka go Puku ya Kutollo, yeo e gore e tswaletšwe ka morago ga Puku.

56 Utolla go rena, O Morena, dilo tše re di hlokago bakeng sa ntwala pele ga rena. Lebalela dibe tša rena, dilo tša rena—tša rena tše ntši tša go hlokomologa, bokgopo bja rena. Re a rapela, Modimo, gore, morago ga sekgalela se, gore O tla dira ka go fetiša ka botlalo ka godimo ga tšohle tše re ka kgonago go di dira goba go di nagana.

57 Bjale, Tate, ga re mo go bonwa, batho ba ga ba mo go bonwa. Go a fiša, ba dutše ba apotše dijase tša bona, banna, dikgaetšedi tše bohlokwa ba dutše fale ba fokafoka, ba mo ka baka la gore ba swerwe ke tlala, ba a Go rata.

58 Gomme, Morena, ke fa ka mogolo wa go ngapša go tšwa go muši wo. Gomme ke—ke—ke mo ka baka la gore ke a dumela gore O beile gore re swanetše go ba mo ka morago ga sekgalela se. Gomme pelo ya ka e bulegile bophara, ya bona e bulegile bophara, kafao etla ka gare, Morena Jesu, le go bolela le rena dilo tše O tla ratago re di tseba. Ka gore re a e kgopela, Leineng la Jesu. Amene.

59 Ke nyaka go tsebiša sehlogo se sennyane seo ke nyakago go se šomiša, ke nyaka go se bitša *Leswao La Godimodimo*. Gomme ke tsebišitše sehlogo sa ka pele ke bala Lengwalo la ka, gomme seo ga se se tlwaelege gannyane. Ka mehla o bala Lengwalo la gago, gomme morago wa hwetša sehlogo sa gago, eupša le a tseba,

nako ye nngwe Modimo o dira dilo ka ditsela tša go se tlwaelege, dinako tša go se tlwaelege.

⁶⁰ Ka go Jesaya, tema ya 7 gomme temana ya 14, ke rata go bala karolo ya Lengwalo, temana ye tee ye, go dira kgwegkwe yeo ke gogilego sehlogo se go tšwa go yona.

*Kagona Morena yenamong o tla le fa leswao; Bonang,
kgarebe e tla ima, gomme ya belega morwa, gomme o tla
bitša leina la gagwe Imanuele.*

⁶¹ Re phela ka letšatšing la *godimodimo*. Ge e se sa godimodimo, ga se ye godimo. Se sengwe le se sengwe se swanetše go ba sa *godimodimo*, ke letšatši la godimodimo. O ya lebenkeleng, monna yo monnyane wa krosari khoneng o wele, ba swanetše go ya suphamakete. O hwetša ditempe gomme o lefela bontši kudu bakeng sa tšona, e ka ba nikele e tee e tee, gobane ke suphamakete, ba ka se kgone go go fa tšona ditempe, o a tseba. Eupša ke—ke suphamakete, e na le sefehlamoya, sepelela ka go yona, o a e lefela.

⁶² Ka gona go na le dikoloi tša godimodimo. Re swanetše go otlela go theoga tsela, fao. . . Go be go fela go eba gore ba be ba kgona go otlela. . . Ge la mathomo ke etla go leba Lebopong la Bodikela, ke be ke le matšatši a lesometshela ka go Model T, eupša ke fihlile fa. Bjale, e ka ba matšatši a mane ka Ford. Eupša ka nnete, Ford ya ka ya mathomo, le ditsela tše ke bego ke na le tšona, ke be ke kgona feela go dira dimaele tše masometharo ka iri, gomme yeo e be e le dimaele tše lesometlhano ka tsela *ye*, le dimaele tše lesometlhano ka tsela *ye*. Eupša re na le ditselalephefo tša godimodimo bjale, dikoloi tša godimodimo, ditselalephefo tša godimodimo.

⁶³ Gomme rena, re leka go nagana, go lefase, gore ba na le batho ba godimodimo, banna ba godimodimo. Ba na le yona mo seyalemoeng le dithelebišeneng, *Monnagodimodimo*. Ba nyaka morafe wa godimodimo. Hitler o rile Majeremane e be e le morafe wa godimodimo, Stalin o naganne Russia e be e le morafe wa godimodimo, Khrushchev o nagana selo sa go swana. Engelane e rile, “Ge feela go na le lefase, go tla ba le Engelane,” morafe wa godimodimo. Amerika e nagana ke bona morafe wa godimodimo, “Re na le bohlale le se sengwe le se sengwe, seo ke sohle re se hlokago, kafao re morafe wa godimodimo.”

⁶⁴ Morafe wa godimodimo, ditsela tša godimodimo, se sengwe le se sengwe sa godimodimo, sa godimodimo. E swanetše go ba se segolo, se segolwane go feta mehleng. Monna yo motee o swanetše go ba. . . o swanetše go ba le ntlo ya godimodimo. Di a fetoga ngwaga wo mongwe le wo mongwe, dintlo tša motlolo wa 1962 di ka se be botse ka 1963. Setsidifatši sa gago se swanetše go ba sa godimodimo gannyane, se swanetše go gatela godingwana gannyane. Ba no bea *magadigadi* a mantši gannyane godimo ga yona, le go go dira o fetolanye ya kgale, le go lefa tše mmalwa,

ditolarana tše makgolotharo gape le go go hweletša ye nngwe. Yeo ke tsela ye e lego. Yohle ke ya godimodimo. E no ba sekimi se segolo sa go dira tšhelete. Ke nagana re be re le kaonana ka pere le karikana. Yeo ke nnete.

⁶⁵ Go fihlile lefelong go fihla, boka ke be ke rera letšatši le lengwe, ke nako ya go phatloga, se sengwe le se sengwe se a phatloga. Batho ba a phatloga, ba hwetša kgatelelo ye ntši e agilwe godimo. Gobaneng le sa neneke gomme la phela? Huh? Yeo ke nnete. Le itlhaganetše ka eng? Re swanetše go ba le dikopano tša godimodimo ka kerekeng ya rena, metsotso ye lesometlhano. Bjale, yeo ke motlwaie wa sebjaebjale, e ka ba metsotso ye lesometlhano, goba o se ke, pota ya matikone e go tšeela morago gomme ba nyaka go tseba bothata ke eng.

⁶⁶ Kafao ke, se sengwe le se sengwe ke sa godimodimo. Tšohle tše ke maswao a šupa go leswiswi le le tlogo, yeo ke nnete, go tla go lebaka la go se tsebje. Re ya ka go la sephiri, lebaka la go se tsebje moo la godimodimo le yago go phuleletša ntle ka go la sephiri. Ga ba tsebe mo ba yago.

⁶⁷ Monna o tla otlela go theoga tsela ka dimaele tše masomesenyane ka iri, a leka mahlatse go roba molala wa gagwe, gomme lapa la yo mongwe gape go bolawa, ba ema pareng ya bjala, ba nwa diiri tše pedi pele a eya gae. Bothata ke eng ka yena? Yohle e swanetše go hlaganela, go hlaganela kudu, go tla ba kaonana ge re ka no tšea nako ya rena.

⁶⁸ Bjale, motho ka mehla o lekile ka go yenamong go dira se sengwe go itirela segopotšo yenamong. Re sa tšwa go ba le tše dingwe tša tšeo di no direga, bjalo ka ge bohle re tseba. Eupša e no ba kgopolo gore motho o nyaka go dira se sengwe bakeng sa phihlelelo ya gagwe mong, a ka se tlogele dilo feela ka tsela ye di lego, o swanetše go dira se sengwe go yona.

⁶⁹ Ka nageng ya rena ba ile ba swanela go rema dikgwa tšohle, gomme seo se dumelela madimo go feta le go kgeila se sengwe le se sengwe. Gomme bjale, ba tamile noka, yeo e dirago mafula go swiela godimo le go gogola ditoropokgolo. Bjale, ba na le dipomo tše ntši kudu tša godimodimo le dilo go fihla “Go wa,” “Kotsi” maswao mogohle. Russia e e tlemolotše godimo kua, mengwaga e se mekae bjale gomme lewatile le ya go bela godimo, gomme—gomme bohle re tla bolawa ke go wa, ba a bolela.

⁷⁰ Bothata ke eng ka batho go le bjalo? Go leka go fihlelela se sengwe yenamong. Yeo ke ya gagwe. . . Gobaneng? O dirilwe ka tsela yeo, eupša, se sengwe ka go yena se dirile seo, eupša ga a e tšee ka tsela ya maleba, o leka go e tšea ka phihlelelo ya gagwe mong.

⁷¹ Adama, yenamong, o lekile go dira bodumedi bja godimodimo ntle le poelano. Adama o be a nyaka go dira bodumedi moo a bego a ka no phela ka tsela e ka ba efe o

nyakilego, a apara thethwana ye nnyane ya letlakala la mogo, gomme seo ke sohle se bilego go yona. Le a bona?

⁷² Kaine o lekile selo sa go swana, sebakeng sa go tliša madi, poelano, o tlišitše diapola, dipšere, goba e ka ba eng dikenywa tša naga, a leka go dira se sengwe yenamong, a leka go fihlelela se sengwe.

⁷³ Nimirode o lekile go aga tora ya godimodimo, ye kgolwane go feta ditora tše dingwe tšohle ka lefaseng gore a kgone go ya godimo ge eba, ge Modimo a mmefeletše, gobaneng o be a tla ya godimo go tora gomme mafula a tla feta ka tlase ga gagwe, tora ya godimodimo.

⁷⁴ Nebukadinetsara o agile toropokgolo ya godimodimo, e bile le dirapa tša go lekelela, gomme e be e le lefelo le legolo, e be e le phethene ya Legodimo. Thwi pele ga terone go be go ela noka ya Forata, gomme ba hwetša gore yeo ke tsela ye Terone ya Modimo, noka ya Bophelo kgauswi le Terone ya Modimo, e lego.

⁷⁵ Go leka go fihlelela se sengwe, go leka go se dira se segolo, bogolo gore a kgone, “Bonang—bonang se ke se dirilego!” Godimodimo, e no ba ka go motho.

⁷⁶ Setšhaba sa rena beng, se jela Engelane mona, e sego kgale go fetile, se agile sekepe sa godimodimo, se rile se ka se kgone go nwelela, eupša o ile a nwelela, Titanic, sekepe sa godimodimo. Ba rile, “Se ka se kgone go nwelela.” Eupša o ile tlase go no swana. Gomme moreti o ngwadile pina, “Modimo, ka seatla se maatla, o laetša lefase le se ka se kgone go ema.” Yeo ke nnete.

⁷⁷ Fora e agile mothalo wa Siegfried wa godimodimo, ba naganne, “Re tla aga mothalo wo, ka morago ga wona re ka ba le basadi, tšhelete, le beine, le e ka ba eng re e nyakago. Gomme ge Jeremane e ka tsoge ya tla ka morago ga rena, selo se nnoši re tla se dirago, re tla no retollela dithunya tše go bona le go ba kitimišetša morago,” mothalo wa Siegfried. Eupša go diregile eng? Ba lebetše se sengwe. Jeremane e matšhitše go dikologa ka morago ga ona, ga se ba kgone go retolla dithunya, ba e tšere.

⁷⁸ Jeremane e ikagetše mothalo wa Maginot, mothalo wo mogolo wa Maginot, ba itlhamile bonabeng ka tlase fale, eupša go bapa go tla Maamerika ka dithuthupiša gomme ba o thuthupiša. Le a bona, go leka go fihlelela se sengwe ka bonabeng.

⁷⁹ Kereke e lekile go fihlelela kerekeleina ya godimodimo. Yeo ke nnete. Re botšišitšwe ka dipampiring kgauswana, le be le e lemoga, “Gobaneng dikereke tšohle di sa phonkgele ka go e tee le go tla morago go mme kereke, moo e thomilego, ka Roma?” Ke nyaka serutegi se tee, ke nyaka rahistori yo motee, gomme re na le yo mongwe wa ba bakaonekaone a dutšego thwi mo, ke nyaka serutegi se tee, modiredi yo motee, rahistori yo motee go tsoge a ntaetša mo Kereke e thomilego ka Roma. Kereke e thomile ka Jerusalem ka Letšatši la Pentecost. Yeo ke nnete.

⁸⁰ Ke nna, ke tla dumela mopapa, ge a nyaka go e tšeela morago go *Leo*, ke tla ya le yena morago *Kua*, yeo ke nnete, eupša e sego go ya Roma. Ke tla amogela se: Roma ke mmago bodumedi bjohle bja mokgatlo, gomme Beibele e boletše ka go tema ya 17 gore o be a le, gomme o bile le barwedi ka morago ga gagwe.

⁸¹ Eupša yo mongwe le yo mongwe o leka go aga kerekeleina ya godimodimo. Go befile kudu e tsena ka go ya rena, le yona. Go hwetša maloko re dira basokologi, le go goga, le se sengwe le se sengwe gape go hwetša maloko, go leka go dira kerekeleina ya godimodimo, gomme ka gona, ge ba hwetša kerekeleina ye kgolo, ba leka go e dira ye kgolo ka go hwetša ratoropo wa toropokgolo, le moahlodi, le ba go aparta bokaonekaone, le dirutegi tše kaonekaone. O hwetša feela sehlopha sa bohlae sa go tonya, selo sa fomale. Yeo ke nnete.

⁸² E no nkgopotša, go no tla nako ya seruthwana gomme ke šetša dinonyana di aga dihloga tša tšona. Gomme ke nagana mme nonyana wa kgale, a ka kgona go aga sehloga sa gagwe, le go dula godimo ga sona, a bea mae a gagwe, eupša ge mme nonyana yola wa kgale a se a ba le nonyana ye tona, a ka se tsoge a phaphaša. Ona mae, ga go kgathale o a swara gabotse bjang, o botega bjang, o a khupetša ka diphego tša gagwe, a a retolla, a dira se sengwe le se sengwe a kgonago, gomme a dula fale go fihla a swarwa ke tlala, wona mae a ka se tsoge a phaphaša ge a se a ba le nonyana ye tona, gobane ga a nontšhwa.

⁸³ Yeo ke tsela ka bodumedi bja rena bja mokgatlo. Ge feela re tšeela ka gare bona badiradibe feela bjalo ka maloko a kereke ya rena, o ka kgona go ba pepetletša le go dira matikone go tšwa go bona, gomme bona ba nyetše makga a mane goba a mahlano, le go kgoga, le go nwa, le go kempola, le go radia, le go aketša, le go ba bea matikone ka kerekeng, o ka kgona go ba alamela, le go dira e ka ba eng o nyakago, go fihla ba kopana le Molekani, Kriste Jesu, ke sehlopha sa mae a go bola, selo ka moka se hloka go lahlelwa ka ntle ga sehloga, a ka se tsoge a phaphaša. Selo se sekaonekaone go se dira ke go hlwekiša sehloga, go thoma gohle godimo gape.

⁸⁴ Eya le Molekani, Kriste Jesu, gona go ka se be diphapano tše dintši kudu, dikerekemaina tša godimodimo, tše kgolokgolo, “Ke rena ba *Semangmang*, kerekeleina ye. Ke rena ba bagologolo magareng ga bona. Ke rena ba ye.”

⁸⁵ Bjale, ba go kgopela go e inela, go e tliša yohle ka go o tee; e tla dira, e tla e dira. Seo ke se batho ba se nyakago, se sengwe sa godimodimo, yo mongwe le yo mongwe go re, “Gabotse, ke nna wa kereke ye *bjalo le bjalo*, ke ye kgolokgolo ka lefaseng, kerekeleina ye kgolokgolo.” Nnete. Ba rata seo, gobane ke sa godimodimo.

⁸⁶ Dilo tše tšohle di šitilwe, Titanic e nweletše, mothalo wa Maginot o thuthupišitšwe, tora ya Nimirode e puhhlame,

Babilonia e ile tlase, gomme dikerekemaina di hwile, ke histori, lerole. Haleluya!

⁸⁷ Ka mehla ba nyakile leswao. Modimo o rile, “Ke tla ba fa le tee.” Ngwanešu, le—le legadima la go nyokanyoka ka lefaufaung le lesu bošego le laetša gore go ka kgona go ba seetša ka nako ya leswiswi. Modimo o rile, “Ke tla ba fa leswao, e sego tora ya go pholetšhwa, e sego tora ya bokereke, Ke tla ba fa leswao, gomme e tla ba leswao la neng le neng, leswao la Gosafelego, lona o ka se swanelego go tšwelapele o aga godimo ga lona. E tla ba la neng le neng, leswao la godimodimo, kgarebe e tla ima.” Oo, nna!

⁸⁸ Ditora tšohle tša bona tše kgolo tša go pholetšhwa, le dikolo, le—le methalo, le dikepe, le se sengwe le se sengwe gape, eupša Modimo o rile, “Ke ya go ba fa leswao, gomme e ya go ba leswao la godimodimo, leswao la Gosafelego, leswao la neng le neng, kgarebe e tla ima.” Amene.

⁸⁹ Ke eng? Kagodimogatlhago. Ke leswao la godimodimo, e sego taba ya go pholetšhwa, eupša leswao la godimodimo, Modimo a bonagaditšwe nameng, Jehofa yo monnyane a tswetšwe ka legopong godimo ga mokgobo wa manyora, Jehofa yo monnyane a lla boka lese, Jehofa yo monnyane a bapala mekgotheng, eupša ke leswao la godimodimo. Amene. Le ge go bolelwa ka yona, efela ke leswao la godimodimo la Modimo, leswao la Gosafelego.

⁹⁰ Yena ga se a tla ka salute ya Legodimo: Modimo a theoša mekgoba, gomme go theoga ditepisihekgwa go tla madira a Barongwa ka jarateng ya Kayafa, gomme bohle ba bapetše dipente, gomme Barongwa ba binne go dikologa lefaseng; O tlile ka tsela ya ntlopolokelo, setala, eupša e be e le leswao.

⁹¹ Ga se yo mongwe le yo mongwe a le bonego, eupša bao ba bego ba beetšwe go le bona ba le bone, Modimo o bontšha maswao a Gagwe a godimodimo go bao ba tswaletšwego go le bona. Ga se ba le bona, dikete di phetše ka matsatšing a Jesu ga se ba ke ba kwa ka Yena, masome a dikete, dimilione, bao ba sa nkago ba tseba selo ka Yena.

⁹² Ga se A tla ka tsela ya Morongwa ge A etla fase go tšwa Legodimong. A ka be a tlile bjalo ka Morongwa, O tšwa Legodimong, A ka be a tlile bjalo ka Morongwa, A ka be a tlile bjalo ka mokerubi, eupša sebakeng sa seo, O tlile bjalo ka peu ya Abraham, Motho, Modimo a itira Motho Yenamong gore A kgone go hwa. O be a ka se kgone go hwa ka Moyeng, O be a swanetše go ba nama pele A be a ka kgona go hwa; eupša e be e le leswao la godimodimo, leswao le legolo.

⁹³ O tlile go ba Peu ya Abraham, gore A ke a laetše morafe wa godimodimo. Bjale, Abraham o bile le peu, peu ya tlhago, morago o bile le Peu ya godimodimo. Modimo o tletše tša godimodimo le yena, elelwang. Gomme Abraham o bile le Peu ya godimodimo, gomme Jesu o tlile gore A ke a lopolle Peu ya godimodimo ya

morafe wa Abraham, Modimo o be a ne kgonthe go e dira, morafe ka maswao a kagodimogatlhago a Kriste wa kagodimogatlhago.

⁹⁴ Ka morago ga mengwaga ye dikete tše pedi ya go leka thata, ka dipomo tšohle tša bona tša dithuthupiši, le magaga a magatsela, le se sengwe le se sengwe gape, ba . . . maleatlala a bona a tšireletšo, gomme dikerekemaina tša bona ga se tša ke tša kgona go gatsela, go kgoromeletša ntle, goba go senya Leswao la Modimo la godimodimo, O a phela lehono ka morago ga mengwaga ye dikete tše pedi, Yena ke Leswao la Modimo la godimodimo.

⁹⁵ O ka no phušulela tora fase, o ka no nweletša toropokgolo, o ka no nweletša sekepe, eupša o ka se kgone go nweletša leswao la godimodimo la Gosafelego la Modimo, ke leswao la neng le neng. Tsogo ya Kriste e ka se kgone go senywa, leswao lela le legolo la godimodimo leo Modimo a re fago.

⁹⁶ Re ela hloko ka go Testamente ya Kgale, peu ya Abraham, go ya ka Genesi 22:16 le 17, Peu ya Abraham e be e swanetše go ba mong wa dikgoro tša lenaba la bona. Modimo o tshepišitše seo godimo ga thaba ge Abraham a biditše Leina la Gagwe Jehofa-Jireh, “Morena o tla ineela sehlabelo Yenamong.” Modimo o tla e fa.

⁹⁷ Ke nyaka go le botšiša se sengwe. Kwana yela e tšwa kae? Abraham o be a le leeto la matsatši a mararo, monna e ka ba mang wa mehleng a sepelago a ka kgona go sepela, oo, dimaele tše masomepedi tlhano ka letšatši, o be a le leeto la matsatši a mararo go tloga tlhabologong, ka gona godimo ntlhoreng ya thaba fao diphoofolo tša lešoka, go se meetse, go se selo go ja, gomme godimo ntlhoreng ya thaba, gomme a neela, a thoma go neela morwa wa gagwe mong ka thomo go tšwa go Modimo, gomme ge a thoma go tšea bophelo bja mošemane, kgapa ya lla ka morago ga gagwe. Kgapa yela e be e etšwa kae?

⁹⁸ Bjale, e be e se pono, o e bolaile, madi a tšwile go yona. E be e se pono, e be e le kgapa. Gomme Abraham o Mmiditše, *Jehofa-Jireh*, “Morena a ka kgona go ipha sehlabelo Yenamong.” Leswao la godimodimo, kagodimogatlhago. Gomme peu yohle ya Abraham ya tlhago ka Isaka e hutše kgoro ye nngwe le ye nngwe ya lenaba ba tlogo go yona. Yeo ke nnete tlwa.

⁹⁹ Ke na le mothalo wa bona o ngwadilwe fase mo, go re tšea morago ga sekgalela sohle go kgabola. Go reng ka ga go bolela pele, feela nakwana, ka bana ba Bahebere, ge ba ile ka leubeng la mollo? Bjale, ba be ba se ne netefatšo e ka ba efe, feela gore ba be ba le peu ya Abraham. Modimo ga se a ke a ba botša selo, gomme Modimo ga se a ke a ba botša, “Bjale, eyang tlase kua, gomme le ye ka mollong, gomme Ke tla ba le lena.” Eupša ba be ba le peu ya Abraham, gomme ba tsebile ba be ba na le ditokelo, gomme ba rile, “Ga re ye go gomiša Lentšu la Modimo. Modimo o re boditše go se khunamele medingwana, gomme O kgona go

re lokolla, ge A sa dire, ga re ye go khunamela modingwana wa gago.” Gomme ba hutše kgoro ya leuba la Babilonia, kgoro ya mollo, ba dirile.

¹⁰⁰ Daniele o hutše lenaba la tau, kgoro. Moshe o hutše Lewatle le Lehubedu, gomme o hutše lenaba ka Egepeta. Gobaneng? Gobane o be a le peu ya Abraham.

¹⁰¹ Samogara, moisa yo monnyane, yo mongwe wa baahlodi ba Israele, temana e tee feela e ngwadilwe ka yena ka Beibeleng. Letšatši le lengwe o be a eme mojako wa ntlopolokelo ya gagwe. Gomme Bafilisita ba be ba tla tla ka gare le go ja dijo tšohle tša bona, ba tla šoma thata selemo sohle gomme morago ba tšeela dilo tša bona ka sešegong, gomme morago mmogo gwa tla Bafilisita gomme ba e tšea go tloga go bona.

¹⁰² Letšatši le lengwe mohlomongwe o bile le dijo tšohle tša gagwe di kgobokantšwe, o lebeletše mosadimogatša wa gagwe yo monnyane a eme fale, gomme o be a le yo mosese, le bana ba bannyane ba difahlego tše tshehla, o lebeletše baisa ba bannyane ba go šokiša, ka fao ba bego ba le ka seemong sa anemia ka go hloka dijo goba se sengwe, gomme lebelelang ka fao ba mo lebeletšego, gomme o rile, “Gabotse, mohlomongwe marena a re ka ba le se sengwe go ja. Mohlomongwe nka rekiša korong ye nnyane, le go go hweletša roko bakeng sa mosetsana yo monnyane, dieta tsoko bakeng sa mošemane yo monnyane.”

¹⁰³ Mo o kwele se sengwe se etla godimo tseleng, mo go tla Bafilisita ba sekete, ditlhamo, marumo, ditšhoša di lekeletše lehlakoreng la bona, banna ba ba hlahlilwego, *phašu*, *phašū*, thwi go rotoga tsela ba a tla. Samogara yo monnyane o eme fale, o be a ka dira eng? O be a le molemi, o be a se lešole, gomme o be a se ne selo go lwa ka sona, o lebeletše, go dutše khoneng, gomme go be go le phata ya pholo. Gomme le tseba se seo se lego, gomme e ka ba mang wa lena Makentuckian le swanetše go tseba. Ge o lema, lepara leo o itiago pholo mmogo ka lona. Kafao o, go be go le phata ya pholo e dutše fale mo khoneng, gomme o lebeletše godimo fale, go molaleng gore e be e na le seripa se sennyane sa mphiri mafelelong a yona, moo e iteilego lerole go tloga go mogoma, le go itia pholo mmogo ge ba be ba eya mmogo, gomme fale yela e dutše khoneng. O eme le go lebelela, go tla godimo tseleng.

¹⁰⁴ O be a se na le nako ya go ya go ikatiša mokgwa wa go lwa, le a tseba, le mokgwa wa go šomiša lepara la gagwe—la gagwe la pholo goba tšhoša. Eupša o eletšwe selo se tee, ke a dumela, gore o be a le MoIsraele wa lebollo, o be a le peu ya Abraham, o bile le tokelo go tshepišo gore o tla hula kgoro ya lenaba e ka ba lefe. Amene. Mahlakore bobedi, O boditše Rebeka selo sa go swana, le Abraham selo sa go swana.

¹⁰⁵ O be a le fao, peu ya banyalani bao, gomme o be a na le tokelo go yona, ka gore o be a boloditšwe, o be a le—o be a le MoIsraele,

o be a le peu ya Abraham, o be a na le tshepišo ya Modimo gore o be a ka kgona go ba mong wa kgoro ye nngwe le ye nngwe ya lenaba. Haleluya! Moya wa Modimo o tlile godimo ga gagwe, gomme o tšere lepara lela la pholo gomme a bolaya Bafilisita bale ba sekete. Ee. Gobaneng? Gobane o bile le maatla a godimodimo.

¹⁰⁶ Simisone o bile le maatla a godimodimo, gobane Moya wa godimodimo o tlile godimo ga gagwe, ke ka baka leo lerapo la mohlagare le sego la robega, re be re bolela ka lona bošego bja go feta, e be e le sa godimodimo. Yeo ke nnete tlwa. Bohle bale ba be ba le peu ya tlhago ya Abraham.

¹⁰⁷ Eupša fao go tlile Peu ya Bogoši ya Abraham. Bjale, Abraham o amogetše Isaka bjalo ka yo a tšwago bahung ka mosadimogatša wa gagwe ka thobalano. Bjale, yeo e be e le ye tee bjalo ka mohu, yeo e be e le peu ya tlhago, eupša e be e šupa go Peu ya godimodimo ye e tlogo, ye Tee ye ebile e bego e ka se be le tate wa lefaseng, gomme ebile O be a se ne mme wa lefaseng.

¹⁰⁸ Seo se rathile yo mongwe. Go lokile, mogwera wa Katoliki, ge o mmitša “Mmago Modimo,” ke nyaka le mpontšhe Lengwalo le tee moo a bilego mme e ka ba ofe wa Modimo. Modimo a ka kgona bjang go ba le mme? Gona tate e be e le mang? Maria o be a se selo eupša sealamedi, yeo ke phetho. Jesu ga se nke le nako e tee a mmitša “mme,” O mmiditše “mosadi,” ka gore O be a le Modimo, gomme O be a ka se kgone go mmitša “mme.” Nnete. Dithutotaelo tše le metlwae di—di bolaile batho. Ba mmiditše “mosadi.”

Letšatši le lengwe ba rile, “Mmago o Go letile.”

O lebeletše godimo ga barutiwa ba Gagwe, o rile, “Mme wa Ka ke mang? Bao ba dirago thato ya Tate wa Ka.”

¹⁰⁹ O be a no ba mosadi yo Modimo a mo šomišitšego, e sego “Mmago Modimo,” kgaogelo, aowa, seo ke go nyefola ebile go nagana ka selo se sebjalo.

¹¹⁰ Bjale, Peu ye ya godimodimo e tlile. Ba bangwe ba bona ba rile, “Gabotse, bjale, ema motsotso, hlaku, ka nnete, e tšwa go bong bja botona, yeo e be e le tlhoko ya Modimo, eupša le—le lee ka go mosadi e be e le mmele wa Gagwe.” A e be e le? A le nagana seo, gore yoo e tla ba mosadi? Ge e be e le, lebelelang se le beago Jehofa a se dira. Lee lela le ka se kgone go ba fao ntle le maikutlo, go ile gwa swanela go ba se sengwe se direga, gomme lebelelang moo le tla beago Jehofa, a hlakahlakane ka thobalano. Modimo o hlotše Sephedi ka moka sa Kriste ka popelong ya Maria, gomme o be a no ba mosadi, sealamedi, se se tswetšego Morwa yo, e be e se selo sa gagwe. Bjale, o no ba mosadi yo Modimo a mo šomišitšego.

¹¹¹ Bjale, Peu ya Bogoši e tlile, gomme Peu ya Bogoši e ile ya swanela go re hwela bohle. Bjale, ye nngwe le ye nngwe ya dipu tše tša Abraham, ka tlhagong, e hutše ye nngwe le ye nngwe ya dikgoro tša bona. Ka fao re ka yago tlase go kgabola le go di bitša ka ditasene fa, ka ga ke dikgoro tše kae, lenaba la...ba

hutše lenaba la dikgoro! Eupša mafelelong bahlabani bohle bale ba bagolo ba ile ba swanela go hwa, eupša mmogo go tlile Peu ya Bogošī. Amene.

¹¹² Ge A be a le mo lefaseng O hutše kgoro ya bolwetši, a e tšea. O hutše kgoro ya lenaba le lengwe le le lengwe le tlogo pele ga Gagwe le go e tšea, gomme O hwile, ya, gomme O tsogile gape. Gomme O swere dikgonyo tša Mmušo wa Modimo, go—go. . . hele, lehu, le lebitla, O tšere se sengwe le se sengwe. O be a le Peu ya godimodimo, Tshepišo ya godimodimo. Elelwang, ke leswao la neng le neng, O tsogile go tšwa bahung, ga se A hwa.

¹¹³ Mexico, mašego a se makae a go feta fa, ke be ke bolela ka mosadi yo monnyane yola, mohumagadi yo monnyane wa Mokatoliki yo a bilego, lesea la gagwe le tsošitšwe go tšwa bahung. Dikuranta di ile tša mpotšolliša letšatši le le latelago, gomme ba be ba re, “Mna. Branham, ga o . . . o no se be Mokatoliki, a ga o?”

Ke rile, “Aowa, mohlomphegi, ke nna Moprotestant.”

O rile, “Ga o gwabele kereke!”

¹¹⁴ Ke rile, “Ke a dira, e sego batho, kereke, tshepedišo. Ga se nke . . . Modimo o hwetše batho, yeo ke therešo, eupša ga ke—ga ke ahlole batho, ke tshepedišo ye e bušago godimo ga bona, yeo ke tshepedišo ye ke e ahlolago.”

O rile, “Gona o no se be Mokatoliki gona, o Moprotestant.”

Ke rile, “Ee.”

“O wa kerekeleina efe?”

Ke rile, “Ke tla ba gampe bjalo ka ge di kile tša ba, ga e gona.”

Ke rile, “Ke tswaletšwe ka Mmušong wa Modimo.” Nnete.

Kafao nako yeo o rile, “Ke eng ya gago . . . ? A o a dumela gore bakgethwa ba rena ba ka tsoša bahu le bona?”

¹¹⁵ Ke rile, “Ke . . .” Nna, elelwang bokamorago bja ka, ke nna monna wa Moirish, bokamorago bja ka e be e le Katoliki, gomme ke rile, “Ke a tseba o ka se kgone go ba mokgethwa go fihla o hwile,” se ba se boletšego.

Gomme o rile, “Gabotse, o ka se kgone go ba mokgethwa go fihla o hwile.”

¹¹⁶ Ke rile, “Gona Paulo o be a se mokgethwa ge a rerile? Petro, Jakobo, Johane, ka moka ga bona e be e se bakgethwa go fihla ba ehwa, ba dirilwe mokgethwa ke kereke tsoko ya Roma? Mmm! O se ke wa mpotšša seo.”

O rile, “Kgopolo ya gago ke eng ka kereke ya Katoliki?”

Ke rile, “Ke maswabi o mpotšišitše seo.” Gomme o rile. . . Ke rile, “A ke swanetše go go araba?”

O rile, “Ke tla rata go go kwa.”

Ke rile, “E sego go go nyatša, eupša ke nagana ke sebopego sa godimodimo sa bomoya se lego gona.”

Gomme o rile, “O hwetša seo bjang?”

Ke rile, “Eng kapa eng e boelanyago le bahu ke bomoya.”

“Gabotse,” o rile, “o hwetša seo bjang?”

Ke rile, “Badimo ba bohle le badimogadi le se sengwe le se sengwe gape seo le rapelago go sona, ba hwile.”

Gomme o rile, “Gobaneng, Mna. Branham,” o rile, “o rapela Kriste, gomme O hwile!”

¹¹⁷ Ke rile, “Eupša O tsogile gape ka letšatši la boraro, gomme O a phela bjale.” O a phela go ya go ile. Yena ke leswao la godimodimo. Gobaneng A le? O ka se kgone go Mmolaya, o ka se kgone go Mmolaya. O tsogile le go phela go ya go ile, wa go swana maabane, le hono, le go ya go ile.

¹¹⁸ Modimo o re fa leswao la godimodimo, leswao la Lentšu ka matšatšing a mafelelo gore O sa phela. Yena ke. . . O a phela (Eng?), le hono go iponagatša Yenamong go Peu ya Abraham ya godimodimo. Amene.

¹¹⁹ Elelwang, Kereke ya Bantle ke karolo ya Peu ya godimodimo ya Abraham gobane Ba hwile ka go Kriste, le go ba bajabohwa ba phološo ka Kriste, gomme Kriste ke Peu ya Abraham. Re na le tumelo ya go swana yeo Abraham a bilego le yona. Ge Modimo a boditše Abraham e ka ba eng, ga go kerekeleina, ga go selo gape se ka e itiago go tloga go yena, o biditše dilo tše di bego di se gona mo o ka rego di be di le gona. Gomme Peu e ka ba efe ya godimodimo ya Abraham e dumela selo sa go swana, gore Lentšu la Modimo ke therešo, go sa kgathale se sengwe gape se diregago. Ke a tseba seo se kwagala makgwakgwa, eupša ke, ke therešo. Ee, mohlomphegi.

¹²⁰ Isaka o be a le peu ya tlhago, ka kgonthe, Kriste ke Peu ya godimodimo. Peu ya bobedi e be e le Kriste, gomme re tswalwa ke Kriste, ye e re dirago Peu ya godimodimo le Kriste, go Modimo. Bjale, re Peu ya godimodimo, e sego mokgatlo, bjale, goba kerekeleina. Ke Peu ya godimodimo.

¹²¹ Modimo ka mehla o bontšha maswao a Gagwe, maswao a godimodimo, dilo tša godimodimo, go batho. Gomme O—O dirile, gohle go kgabola mengwaga ka mehla O laeditše maswao a Gagwe ka baprofeta ba Gagwe. Modimo ka mehla o dirile baprofeta leswao la Gagwe. Ke nyaka le bee go theetša ga lena bjale, gobane ga ke ne eupša e ka ba metsotso ye mehlang gape. Hlokomelang, Modimo o laetša maswao a Gagwe, gomme nako le nako ge moprofeta a tsoga lefelongtiragalo ka mehla ke leswao, ka mehla leswao la kahlolo ye e tlogo, ge Modimo a tsoša moprofeta.

¹²² Ge Modimo a tsošitše Noage, e be e le leswao gore lebaka lela la bohlale le tlile bofelong bja lona. Gomme Noage o rerile

dikahlolo tša Modimo di etla, gomme a ganwa, le go segwa, le go dirwa metlae, eupša Noage o ile ka arekeng, gomme Modimo o ahlotše bao ba mo segilego. Noage o be a le leswao la kahlolo ye e tlogo, leswao la Modimo go lefase.

¹²³ Moshe o be a le leswao go Egepeta gore Egepeta e be e fedile, Modimo o ba nweleditše ka Lewatleng le Lehubedu, bao ba tlogetšwe go tšwa go dikotlo. Jeremia e be e le leswao go Israele gore o be a eya Babilonia. Daniele gape e be e le leswao.

¹²⁴ Johane Mokolobetši e be e le leswao, ka morago ga mengwaga ye makgolonne ntle le baprofeta, Johane Mokolobetši o be a le leswao la go tla ga Mesia. Johane o Mo tsebišitše, gore O tla tla. Gomme ka gona ge . . . go diregile eng? Morafe wa Bajuda o ripilwe go tloga mohlareng wa phološo. Gomme Johane o be a le tsebišo ya kahlolo ye e tlogo.

¹²⁵ Modimo ka mehla o šomiša baprofeta bakeng sa maswao a Gagwe, bjale, le se lebale seo, ge le bona moprofeta a etla go lebaka. Gomme ke a dumela gore re tshepišitšwe yo motee, gomme ke e lebeletše. Ka go Maleaki 4 e rile . . .

¹²⁶ Bjale, ke a tseba le ya go nkgopotša ka se Jesu a boletšego ka sona, “Ge le ka kgona go e amogela, yo ke Eliase yo a bego a swanetše go tla,” tšhegofatšo yela e lebetšwego ka go Mateo 11:6. Ge barutiwa ba Johane, ka morago . . . Johane, boka Eliya, monna wa dikgwa, o phetše ka dikgweng, mohloya basadi boka Eliya, Eliya o ahlotše bona basadi feela ka maatla ka fao a kgonneggo ka tsela ye ba bego ba phela, gomme Johane o dirile eng? Selo sa go swana, “Ga go molaong go wena go ba le yena,” bona basadi ba go hloka maitshwaro.

¹²⁷ Tlhago ya moprofeta yola, o ratile dikgwa, gomme o dutše ka dikgweng, o tšile pele a hloka poifo, o be a le kgahlanong le mekgatlo, o rile, “Lena moloko wa marabe, ke mang a le seboditšego go tšhaba bogale bjo bo tlogo? Le se ke la nagana, ‘Re na le se go ya rena . . .’ ka gore Modimo o kgona ka matlapa a go tsošetša Abraham bana.” O be a sa goge matswele.

¹²⁸ Jesu o rile, “Le be le ile ntle go bona eng? Lehlaka le le šikinywago ke phefo e ka ba efe? E sego Johane, aowa.” Bjale, ge barutiwa ba ba tlogile, O rile, “Le be le ile ntle go bona eng?” O rile, “Ge le ka kgona go e amogela, yo ke yena yo go boletšwego ka yena, ‘Ke roma motseta wa Ka pele ga sefahlego sa Ka.’” Yeo ke Maleaki 3, e sego Maleaki 4.

¹²⁹ Ka gore ge seo, Johane ka nako yeo, gona Mangwalo ga se a phethagatšwa gomme a be a fapoša, gobane pele Letšatši le legolo lela la Morena le ka tla, O be a tla romela Eliya, gomme Letšatši le legolo lela la Morena le ya go tšhuma lefase ka moka, gomme baloki ba tla sepela ntle, ka Mileniamong, godimo ga melora ya ba babe, yeo e be e ka se kgone go ba go Johane, yeo e be e ka se kgone go ba Eliya.

¹³⁰ Bjale, hlokomelang, gore Lengwalo ka go gagamala le hlathollwa ke Lonamong. Hlokomelang, “Gomme o tla bušetša,” go Tla ga Gagwe la pele, “dipelo tša botate go bana,” go tšea botate ba kgale ba bapatriaka, le go retollela tumelo ya bona go tumelo ye mpsha ye ya bana ya Jesu go beng. . . a tlogo pele ga Gagwe, “Ke tla pele ga Jesu. Mesia o etla,” go retollela dipelo tša bona go *ye*, kgole go tloga go molao go ya go *ye*.

¹³¹ Gomme ka go Tleng ga Gagwe la bobedi, O tla bušetša dipelo tša bana morago go botate ba setlogo ba Pentecostal gape, seo se tliša go phethega seprofeto sa Joele se re, “Ke tla bušetša mengwaga yohle yeo mogokong, le bojane, le go ya pele, di e jelego.”

¹³² Ka serapeng sa Edene go be go le mehlare ye mebedi, wo motee mosadi, gomme wo motee Monna. Bohle ba ba phelago ka mosadi yola ba a hwa, ke yena mohlare wa lehu. Bjalo ka ge o tswetšwe ke mosadi, o a hwa, ge o tswetšwe ke Monna, Kriste Jesu, o a phela. Hlokomelang, ka gona monyalwa wa Adama o ile a tšhilafatšwa pele a fihla go yena.

¹³³ Ge Jesu a tllile, O be a le Mohlare wola wa Bophelo, “Ke nna Borotho bja Bophelo,” Mohlare wa Bophelo, “go tšwa go Modimo go tšwa Legodimong. Ge motho a eja Bjo, ga a tsoge a hwa.”

¹³⁴ Ka gona ge A tlogile, O rekile Mohlare Monyalwa. Gomme Mohlare wola o hlomilwe, le go bewa ka medung ya lefase ka Letšatši la Pentecost. Thuto ya gagwe le se sengwe le se sengwe di diregile thwi nako yeo mo mathomong, se sengwe le se sengwe seo A se hlokilego se filwe go Yena thwi nako yeo. O godile, gomme O godile lebaka la e ka ba mengwaga ye makgolotharo.

¹³⁵ Gomme ka gona tšie le mogokong tša thoma go Mo ja, go fihla di mona Bophelo go tšwa go Yena, gomme E ile go kgabola e ka ba mengwaga ye sekete ya mabaka a leswiswi. Tšie yela e dirile eng? Mogokong o dirile eng? Ke khunkhwane ya go swana ka go legato la go fapana. Go diregile eng? Sa pele, e be e le Banikolaite.

¹³⁶ Go ra, *nikao* go ra “go fenyā maloko,” go tšea Moya wo Mokgethwa ohle go tšwa go maloko, le go O bea godimo ga monna yo motee, pišopo, mopapa, goba se sengwe. Bahlomphegi ba e nyaka ka tsela yeo, gore a kgone go ba morwadi wa sebe bakeng sa bona bohle. Re na le Morwadi yo motee wa sebe, yoo ke Kriste, eupša seo ke se ba se nyakago. Nikolaite, *nikao* e ra “go fenyā,” *maloko* ke Kereke. Tšea Moya wo Mokgethwa ohle. . . Ga se ba bakgethwa, feela monna yo motee yo mokgethwa. Ke kgopolo ya go hwetša tšhelete ka kerekeng ka maipolelo.

Yo mongwe o rile letšatši le lengwe, “A o dumela go phekatori?”

¹³⁷ Ke rile, “Ee, mohlomphegi.” Ke rile, “E sego mohuta wo o lefago moprista tsoko go go rapelela. Ke a dumela gore Modimo o hlwekiša disoulo tša rena gonabjale, gomme re ya go kgabola nako ya tlhwekišo, ya go hlwekiša togotogo.” Nnete.

138 Hlokomelang, bjale, ba tšere Moya wo Mokgethwa ohle go tšwa kerekeng, le go dira monna yo mokgethwa, potego go tšwa kerekeng go monna yo mokgethwa, o e fentše. Yeo e ile go kgabola bakeng sa kerekeleina ye kgolo yela ya Bokatoliki e bušitšego lefase lebaka la makgolo le makgolo a mengwaga.

139 Fao go tllile pele mompshafatši, Luther. Gomme ka pela ge Luther a hwile, ba e kगतlofaditše, gomme morara wa omelela, gomme Molemi o o thenetše. E ile kae? E hwile. Mpontšheng moo e kilego ya tsoga ka morago ga tsošetšo ya Luther, e hwile.

140 Go latela go tllile, ka morago ga fao, John Wesley, legato la go latela la mohlare, monna yo mogolo wa Modimo yo a rerilego Toka- . . . Tlhwekišo. Go diregile eng? Go diregile eng? Ka pela ge Wesley, le—le Asbury le bona ba hwile, ba kगतlofaditše le go dira kereke go tšwa go yona, gomme Modimo, Molemi, o thenetše makala gomme a hwa; mpotšeng moo ba kilego ba ba le tsošetšo ye nngwe.

141 Morago go latela go tllile Pentecost, ka pušetšo ya dimpho. Go diregile eng go yona? Maatla a Modimo a tšhollotšwe gape, Moya wo Mokgethwa. Ba dirile eng? Ba e kगतlofaditše mmogo gape, ba thoma go aroganya boena. Gomme go diregile eng? Modimo o nno e ripa. Yeo ke nnete.

142 Oo, eupša Modimo o rile, “Ke tla bušetša, go rialo Morena.” Peu yela, Bophelo bja Yona bo kae? Thwi ka bogareng bja mohlare go kitima motalo wa bophelo, e sego makala a a wela fase ka tsela *ye*, bophelo bo thwi ka bogareng bja mohlare. Modimo o tshepišitše ga go kgathale ke bontši gakaakang moni di tlogo go Ona, boka mogokong o eja le go mona, le dilo boka tšeo, eupša, “Ke ya go bušetša, o rialo Morena.”

143 Ge Mohlare wola o etla ntlhoreng, feela ka kgonthe bjalo ka ge ke eme fa, ge batho ba Modimo ba tla ikopanya ka bobona mmogo, le ge phapano ya kerekeleina, gomme ba tla tla go Bophelo bja Modimo, gomme go tla ba le go tšhollwa ga Moya wo Mokgethwa wo o tla tlišago kenywa ya Moya morago ka Kerekeng gape, e tla ba leswao la godimodimo.

144 Bjale, ga go kgathale ge o le Momethodist, seo se lokile, Mobaptist, Mopresbyterian, ga go kgathale o wa kereke efe, seo ga se ne selo go dira le yona, ge o, nno itshama ka seo, o ya go hwa, o ya go thenelwa bjalo ka lekala la go hwa, ge Mohlare o eya godimo. Kenywa e ya thwi ka ntlhoreng ya mohlare, elelwang, fao ke mo letšatši le e bethago.

145 Bjale, bjale, selo sa yona ke, ge re ka kgona go itliša renabeng go pelo e tee, mmero o tee, lefelo le tee, Modimo o tee, phološo e tee, Moya wo Mokgethwa o tee, tšhegofatšo e tee, haleluya, gona le ya go bona leswao la godimodimo.

146 Ge batho ba tlogela go tswakana le taelotšhomišo ye Modimo a e ngwadilego, ge batho ba tlogela go tswakana le Beibele, le go tla morago le go dumela Lentšu, le go dira godimo ga Lona le

go dula fale, e sego bakeng sa maikutlo, eupša go fihla Lentšu ka Bolona le phedišwa, le tlišwa Bophelong, gomme ba bona maswao a kgonthe a Beibele a letšatši la mafelelo, leswao la godimodimo, Mesia wa go swana yoo a kilego a phela . . .

¹⁴⁷ Go tla tla pele moprofeta le lengwe la matšatši a, a rera Lentšu la Modimo la setlogo. Le bolela ka nna ke le botša ka go ba le moriri wa go kotwa goba se sengwe, letang go fihla le mo swara, letang go fihla le mo theetša. Le nagana ke makgwakgwa ka mokgatlo, letang go fihla a etla go beng gona, o tla bušetša mengwaga yohle yeo mogokong o e jelego.

¹⁴⁸ E tla ba Molaetša o eya pele . . . Batho ba bangwe ba re, “Gabotse, ke mokgatlo,” ntaetšeng nako e tee Modimo a kilego a šoma ka tsela e ka ba efe eupša motho o tee a nnoši, Yena ga se nke ebile a ba le baprofeta ba babedi ka nako ya go swana, ka mehla motho ka motho.

¹⁴⁹ Banna ba na le dikgopolo tša go fapana, go kgonana le seo mmogo, o hwetša tlhakahlakano. Modimo o na le monna yo motee A šomago ka yena. Go bile le Eliya yo motee, morago Elisa, morago Johane, pele go theoga go ya go Jesu, go ya pele, thwi go theoga, go bile le Luther, Wesley, le go ya pele, feela thwi go theoga.

¹⁵⁰ Go swanetše go tla, ka go letšatši le la mafelelo, pušetšo ya Kereke, Mohlare Monyalwa wola, wo o llwego morago mošola ke bojane le mogokong, le mehuta yohle ya dikhunkhwane tšeo di jago lerato lohle la boena le dikenywa go tloga go Wona. Go swanetše go tla Kereke gape moo mapheko ale a tla robjago, gomme Moya wo Mokgethwa o tla ba le tokelo ya tsela magareng ga batho. Ge le dira, le tla bona maswao a go swana le matete ao a diregilego morago kua ka go wona matšatši. Amene.

¹⁵¹ Re lebeletše Leswao la godimodimo, bjale, Leswao lela la godimodimo e be e le Ngwana wa go tswalwa ke kgarebe yo a bego a swanetše go dula go ya go ile, Leswao la Gosafelego. Gomme Ngwana yola ga se a hwa. Yena, ba Mmolaile, O hwile, nnete, lebola la lehu le Mmolaile, eupša Modimo o Mo tsošitše gape, gomme šo Yena ka morago ga mengwaga ye dikete tše pedi tša bothata bjohle, le ditšie, le mogokong o O ja. Go sa na le mašalela a batho ba ba dumelago Modimo le go boloka Lentšu la Gagwe.

¹⁵² Gomme go tla ba le Monyalwa feela ka kgonthe bjalo ka ge ke eme ka phuluphithing ye, go tla ba le Monyalwa yo a hlatswitšwego ka Mading a Kwana yeo. Gomme Kwana yela e tla be e phela magareng ga bona, e bontšha maswao a godimodimo a tsogo ya Gagwe, ka morago ga mengwaga ye dikete tše pedi selo sa go swana A se dirilego ge A be a le mo lefaseng. Ke dumela seo. Amene.

¹⁵³ Batho ba nyaka maswao a godimodimo. O re, “Gabotse, ke a go botša, re na le leswao la godimodimo, re okeditše batho

ba dikete tše tlhano go mokgatlo wa rena ngwaga wa go feta.” Leo ke leswao le legolo, leo e be e se leswao la Modimo la godimodimo, go le bjalo. Bokomonisi bo okeditše bontši go feta seo.

¹⁵⁴ Gale, le nna nka no e bolela, e pelong ya ka, lena batho le boifelang bokomonisi? Le boifa bokomonisi bo ya go buša lefase? Lena batho ga le tsebe Beibele. Mpontšheng lefelo le tee moo E rilego bokomonisi bo tla buša lefase. Beibele e rile Roma e tla buša lefase, e sego bokomonisi. Oo, bokomonisi e no ba mpopiana ka diatleng tša Modimo, a e bapala yohle godimo go ba hlomara bohle mmogo le go dira Mantšu a Gagwe go tla go phethega. Selo sa go swana, O rile, “Ke mang re ka mo hwetšago go fora Ahaba go mo romela godimo kua, go dira seprofeto sa Eliya go tla go phethega?” Bokomonisi ga bo ye go buša lefase.

¹⁵⁵ Le a bona, Daniele o bone pono yela, wo mongwe le wo mongwe wa mebušo yela e latelane, thwi go theoga, gomme ga se ya ke ya tla ka go bokomonisi, e ile thwi ntle ka maatla ao a Roma ka maotong. Nnete. Boroma bo ya go buša lefase, e sego bokomonisi, kafao le se tshwenyega ka bjoo, bjoo ga bo ntshwenye nthatana.

¹⁵⁶ Selo se ke tshwenyegago ka sona ke go hwetša batho ba ka, bona bakgethwa ba bohlokwa ba Modimo ntle mošola felotsoko, go hwetša go lebelela godimo ka tsela *yela*, go tloša monagano wa gago go dilo tša lefase, go hwetša boitemogelo bja kgonthe, leswao lela la godimodimo ka go wena, gore o fetile lehung go ya Bophelong, gomme dilo tšohle di ba tše mpsha, tumelo ka go Modimo, maswao a magolo le matete a sepela le bona, Dietša tša mantšiboa. Halleluya! “Go tla ba Seetša nakong ya mantšiboa.” Yeo ke nnete.

¹⁵⁷ Leswao la godimodimo: Letšatši ka bolona le tla tla ntle ka nako ya mantšiboa, l-e-t-š-a-t-š-i le tla tšwela ntle, gomme M-o-r-w-a o tla tšwela ntle, o tla ntle ka go go bonagala ga Gagwe ka nako ya mantšiboa. Ke eng? Go buduša dikenywa tša Mohlare wa Mantšiboa. O rile O tla bušetša Mohlare wola, wo o ripetšwego fase go Kutu ka . . . mehuta yohle ya dithutotumelo, le dithutotaelo, le se sengwe le se sengwe, eupša, “Ke tla bušetša, go rialo Morena.” “Ke ya go O bušetša,” gomme e tla ba leswao la godimodimo ka go Mohlare wola, gobane Modimo ga a ne leswao le lengwe. “Ke ya go ba fa leswao la neng le neng.”

¹⁵⁸ Bjale, ke mohuta mang wa mediro leswao lela le e dirilego ge A be a le mo lefaseng? Lebelelang se A se dirilego maabane, gona O swanetše go dira sa go swana lehono, gobane ke leswao la neng le neng. Le ge le bolelwa gampe, e sa le leswao la Modimo. “E tla ba Seetša nakong ya mantšiboa.” Re ka go letšatši leo, bagwera, re ka go nako ya mantšiboa, le se e lebale.

¹⁵⁹ Sathane o nno foufatša mahlo a batho, o tsene ka dikerekeng le go dira tlhakahlakano go tšwa go bona, ba bohlokwa, ba

bomodimo, batho. Maabane ke be ke dutše ka khafeteria, goba, ka go—ka go—go restorante ye botse, godimo ka Los Angeles, moo batho ba bangwe ba bohlokwa ba nkišitšego, go be go le borakgwebo, go be go le Maepiscopalian, le go ya pele, ba dutše fale, ba tladitšwe ka Moya wo Mokgethwa. Ke eng? Ba bone Seetša. Ka pela ge Seetša sela se phadimile go ba kgabaganya, ba be ba le Peu, maina a bona a beilwe Pukung ya Kwana ya Bophelo pele ga motheo wa lefase, ge Seetša sela sa Modimo se swietše go ba kgabaganya.

¹⁶⁰ Monna yo motee o rile, “Ke naganne ba be ba fefeanya batho bale,” o be a le kopanong ya Phoenix, “eupša,” o rile, “ge ke bone gore go fefeanya ga go kgone go ya tlase le go hlatha dikgopolo tša pelo ya motho, ke a bona gore go fefeanya ga go kgone go dira dilo tše, gomme ke ile le bona, ga se dirutegi,” o rile, “ga se batho ba go rutega, ba kokobetše ka mo ba kgonago go ba, go no bula pelo ya bona,” o rile, “yoo ke Modimo, gomme ke a O nyaka,” o thomile go bolela ka maleme thwi fale. Amene.

¹⁶¹ “Go tla ba Seetša nakong ya mantšiboa.” Leswao la godimodimo le tla ipontšha lonamong go kgabaganya Seetša sa mantšiboa. Elelwang, letšatši la go swana le le fago seetša mantšiboa ke letšatši la go swana le le fago seetša mosong; ga se mohuta wa go fapana wa seetša, ke seetša sa go swana. A le a hwetša?

¹⁶² Modimo o rile, “Ke ya go ba fa Leswao la Gosafelego, gomme E ya go ba Morwa.” Gomme Morwa yola, ge A phadimile go batho ba bohlabela, bjale O phadima go batho ba bodikela. Bjale, o ka se kgone go ya bokgojana e ka ba bofe, letšatši le sepela go tloga bohlabela go ya bodikela, boka tlhabologo e sepetše, re ka Lebopong la Bodikela, re ya kgojana, re morago bohlabela gape. Ke nakong ya bofelo.

¹⁶³ Kriste yo bohlokwa, Modimo wa Bokagosafelego, o phadima Yenamong godimo ga rena, a itira Yenamong go tsebja ka go rena. Ka eng? Go emela Lentšu la Gagwe go Botlalo le go Lentšu. “Gomme go tla tla go phethega ka matšatšing a mafelelo, go boletše Modimo, Ke tla tšhollela Moya wa Ka godimo ga nama yohle,” leswao la godimodimo, leswao la godimodimo.

¹⁶⁴ Re hwetša leswao la godimodimo. Re bile le maswao a kerekeleina, re bile le maswao a thutotumelo, maswao a thutotaelo, le go ya pele, eupša bjale re hwetša leswao la godimodimo, Morwa wa Modimo, a bonagaditšwe ka go rena ka go Motho wa Moya wo Mokgethwa, e lego Modimo ka go wena, Modimo a šoma ka nameng ya motho, yeo ke Peu ya Abraham.

¹⁶⁵ Hlokomelang, mafelelong, feela pele Abraham a aroganywa go tloga go Loto, gomme Sodoma e tšhungwa, Modimo o tlile fase ka sebopego sa motho, gomme A ja. Modiredi o rile go nna, e sego kgale kudu, o rile, “Ngwanešu Branham, bjale o hlalefile kudu go seo.”

Ke rile, “Aowa, ga ke, ga ke hlalefe kudu.” Ke rile, “Seo—seo se no bontšha ke ne monagano wa ka wa maleba.”

O rile, “A o a dumela yoo e be e le Modimo?”

Ke rile, “Abraham o Mmiditše Modimo.” Ke rile. . .

O rile, “Go ja nama yela le go ja borotho bjola le dilo?”

Ke rile, “Ee.” Ke rile, “O no lebala ka fao Modimo a lego yo mogolo.”

¹⁶⁶ Ke a dumela e be e le Barongwa ba babedi. Bjale, le a bona, re dirilwe feela ka dielemente tše lesometshele tša lefase, tše ke, le a tseba, khalesiamo, photaše, petroleamo, seetša sa khosmiki, le go ya pele, Modimo o nno obeletša fase le go hwetša lehupa la dilo tše, le go ya *Fše*, o rile, “Gatela ka fa, Gabariele, Re ya tlase,” gomme o itiretše o tee Yenamong. Yeo ke nnete.

¹⁶⁷ Oo, ke thabile kudu go Mo tseba ka mokgwa woo! Le ge go ka no se be le ge e ka ba tshetlana e tee ya ka e šetšego lefaseng, eupša Modimo wa ka, Yo a tshepišitšego go ntsoša mo matsatšing a mafelelo, a ka kgona go bolela, seetša sa khosmiki le dilo di tla tla go beng gona, ge feela leina la ka le le godimo ga Puku ya Gagwe, amene, le ngwadilwe fale ka Madi a Kwana. Leswao la godimodimo.

¹⁶⁸ A ga la thaba? A le no se Mo rate ka pelo ya lena yohle? O lokile kudu. Ke Mo rata ka tšohle di lego ka go nna. Modimo a bonagatšwe. Amene. Ke a dumela gore O fa. Amene. Se sengwe se nno direga nako yeo, ke bone se sengwe se direga. Amene. Ka mehla O thekga Lentšu la Gagwe ge e le nnete, leswao la godimodimo. Šetšang se:

¹⁶⁹ Thwi fao, go na le yo mongwe fao go tšwa go kgabaganya lewatle. Mo hlathollele. O tšwa Denmark, o a tlaišega, bothata bja gago bo ka megalatšhikeng ya gago, ka digobeng tša gago. Mmotše, “Lebala ka yona, eya morago kua gomme o fole.”

¹⁷⁰ Leswao la godimodimo! A le a le dumela? Leswao la godimodimo. Lena batho le nagana eng? Le a dumela? Ebang le tumelo ka go Modimo, le se belaele.

¹⁷¹ Mo go dutše monna mo o lokišetša go ba le karo, o na le sešo. Mna. Harrison, ge o dumela ka pelo ya gago yohle, o ka se swanele go ba le yona. Ge o ka tšea Modimo Lentšung la Gagwe le go Mo dumela, go tla fela gohle. Go tšwa go wena, ge eba o nyaka go Mo dumela goba aowa.

¹⁷² Mohumagadi go tšwa Sacramento a dutšego fale ka bothata bja mala, a o nyaka go dumela ka pelo ya gago yohle? Modimo o tla go dira o fole. O ka kgona go amogela ya gago.

Leswao la godimodimo!

¹⁷³ Go reng ka wena, Mna. Love? A o a dumela gore Modimo a ka go dira o fole? Go lokile. Emelela ka maoto a gago gomme o e amogele.

Ga ke tsebe monna, ga se ka ke ka mmona.

174 Bothata bja sebudula, kgatelelo ya godimo ya madi, bothata bja proseteite. A nke ke go botše se sengwe gape, o rapediša yo mongwe gape, ke mosadimogatša wa gago, ga a fa. A o ntumela go ba moprofeta wa Gagwe? Ge nka go botša se e lego phošo ka mosadimogatša wa gago, a o tla dumela phodišo ya gagwe? O na le kgatelelo ya godimo ya madi le yena, dumela bjale, gomme o tla fola.

Leswao la godimodimo.

175 Bea seatla sa gago godimo ga monna yoo a dutšego kgauswi le wena fao. Ga o na le karata ya thapelo, a o nayo, Mohlomphegi? Go lokile, o dumela ka pelo ya gago yohle gomme bothata bjoo bja mokokotlo bo tla go tlogela.

176 Go lokile, Mohlomphegi, go beng gore o obeleditše go dikologa, o ya go mo thuša fale nthatana gannyane, bea diatla tša gago godimo ga gagwe. Ge o ka dumela, leukemia yela e tla go tlogela, gomme o tla fola, amene, ge o ka e dumela ka pelo ya gago yohle.

177 Eba le tumelo go Modimo. Leswao la godimodimo, leswao le le sa kgonego go palelwa, Modimo wa Legodimo o eme a le gona. O tshepišitše O tla e dira, a ga se A? A o dumela ka pelo ya gago yohle?

178 Bjale, a ke le botšeng, eng kapa eng ka ntle ga go tswalwa gape e ka se tsoge ya fihlela Tlhatlogo. Ntle le ge fao go le Peu ya Bophelo ka gare ga gago, o tla senyega, o ka se kgone go tsoga gape. Ge o se na le Peu yela ya Bophelo ka go wena morago ga sekgalela se, gomme ga o Mokriste, gobaneng o sa sepelele thwi godimo fa, wa feta kgauswi fa, gomme wa ntumelela go rapela le wena? A o tla e dira? Emelela.

179 Ga ke dumele ka go kwelobohloko yohle ye fa. Ga o ye Legodimong ka maikutlo, o ya Legodimong gobane o dumela Lentšu la Modimo, o tla amogela Jesu Kriste, seo ke sona.

180 Ge ka kgonthe o se ne Modimo, etla thwi fa. Ke—ke no ikwela go hlahlwa go dira se, tlogela go rapelela balwetši. Ke kgopela motho e ka ba mang ntle le Modimo, ntle le kholofelo morago ga sekgalela se ya tsogo, leswao la godimodimo la Modimo le sepela magareng ga batho, etlang thwi bjale gomme le dumele ka pelo ya lena yohle.

181 Modimo a go šegofatše, Mohlomphegi. Yo mongwe gape mo latele. E no tšwelapele o etla, tšwelapele o phagamela godimo le go tla. Nnete, Lesogana. Yeo ke nnete, Mohlomphegi, etla thwi pele go theoga. Amene. Etna thwi ka fa. [Ngwanešu Branham o tlogela segodišantšu go rapelela batho, a mantši a mantšu ga a kwagale—Mor.] . . . ? . . .

182 Yeo ke nnete. E nong go itirela mothalo wo monnyane mo. Eyang thwi go dikologa, khunamang fase kgauswi le

ditulo. Re ya go le rapelela feela mo nakwaneng. [Ngwanešu Branham o tšwelapele go rapelela batho, a mantši a mantšu ga a kwagale—Mor.]...?...

¹⁸³ Le se ye morago ditulong tša lena. Etlang thwi morago mo, ga re... [Ngwanešu Branham o tšwelapele go rapela lebaka la e ka ba metsotso ye mehlano, mantšu a mantši ga a kwagale—Mor.]...?...

Morena, efa tlotšo ya Moya wo Mokgethwa godimo ga mosadi yo go ya le go ba moromiwa go Bajuda, Leineng la Jesu...?...

¹⁸⁴ Monna godimo ga mahlotlo o nyaka go phološwa, a seo ga se makatše? Letšatši le lengwe go bile, bošego bja mathomo fa, go bile le mosadi a ka ba bogolo bja mengwaga ye masomešupa a etla godimo fa, gomme o be a se a ke a phološwa. O file bophelo bja gagwe go Kriste, o ile gae gomme a hwa. Ge woo e se mogau, ga ke o tsebe. Phološitšwe bjale...?...A nke Modimo a fe sa go swana go ngwanešu wa rena, pele a etšwa ka kamoreng yela fale...?...a etla ka lehlotlo la gagwe, a robetšego ka gare...?...Modimo mo šegofatše, le go mo fa Bophelo bjo Bosafelego, le go fodiša mmele wa gagwe...?... [Ngwanešu Branham o tšwelapele go rapelela batho, a mantši a mantšu ga a kwagale—Mor.]

¹⁸⁵ Tatago mosetsana yo monnyane o fa, monna wa Mojuda, o a tla gomme o re o dumela go Morena Jesu Kriste...?...le go ba mong wa kgoro ya lenaba le lengwe le le lengwe leo le mo tshwenyago, Leineng la Jesu Kriste. Ditšhegofatšo godimo ga gago, Mohlomphegi. Ke tla kopana le wena ka Letagong ge e se pele...?... [Ngwanešu Branham o tšwelapele go rapelela batho, mantšu a mantši ga a kwagale—Mor.]

¹⁸⁶ (O na le lefelo la segatiši?) Bjale, ke ba bakae ba nago le dikarata tša thapelo? Go lokile, re thomile kae bošego bjo bongwe, goba, re tlogetše? A e be e se e ka ba masomepedi? Re be re le ka go eng? I, a e be e se yona? I, masomepedi a e mo? Ke moo re tlogetšego, I, masomepedi. Masomepedi, masomepedi tee, masomepedi pedi, masomepedi tharo, masomepedi nne, masomepedi tlhano, ka go I. Go lokile.

¹⁸⁷ Bjale, diašara di tla le thuša fa go tsena ka mothalong. Masomepedi tlhano, masomepedi tshela, masomepedi šupa, masomepedi seswai, masomepedi-...DiI tšohle. Ka go I, tlišang yeo. Karata ya thapelo I, masomepedi go fihla go leggolo.

¹⁸⁸ Ya go latela ke eng, J? Go lokile, Mohlomphegi. Go lokile, ge ba sa tla, re ya go rapela...A re boneng, ka fao re yago go di kgabola tšohle? Go lokile, lena bohle rapelang...?...

¹⁸⁹ Bjale, J, le yona. Bohle ba ba nago le dikarata tša thapelo emelelang. Re ya go dira se sengwe go fapana gannyane gonabjale, go feta se re bego re se dira. Bohle ba ba nago dikarata tša thapelo emelelang godimo fa.

Dilo tšohle di a kgonega, dumela feela.
 Dumela feela, dumela feela,
 Dilo tšohle di a kgonega, dumela feela;
 Feela. . . (Bjale, e no ema thwi fao feela. . .),
 dumela feela,
 Dilo tšohle di a kgonega, dumela feela.

¹⁹⁰ Bjale, gore le se nagane gore phodišo Kgethwa ke ya feela moebangedi, banna ba mo ba no ba le tokelo ye ntši go rapelela balwetši bjalo ka nna, Oral Roberts, goba motho e ka ba mang, bohle ke bahlanka ba Kriste.

¹⁹¹ Gomme bjale, ge le ka no dumela! Ke nyaka go bea diatla godimo ga motho yo mongwe le yo mongwe yoo a tlogo go kgabaganya sefala, e sego seo feela, eupša ke nyaka banešu badiredi go ba le nna, go thuša go bea diatla godimo ga balwetši, yo mongwe le yo mongwe wa lena, gore le tle le bone gore ke. . . ke. . . phuthego ya lena e kgona go bona seo feela ka gobane ga o moebangedi, seo ga se re gore Modimo ga a na le lena, feela le lena go swana le mang kapa mang mo.

¹⁹² Gomme bjale, bjale, go lena batho ba le yago go tla ka mothalong wa thapelo, ge o etla o letetše go fodišwa, o tla sepela go tloga sefaleng seo o fodile. Bjale, bjang. . . ? Bjale lebelelang, le se kwešiše thoko bjale, bokaone le hwetše se go hlaka, gobane, ge go se, le no betha leboto. Eupša ge o se. . . Ge o e hwetša go hlaka, se sengwe se lokela go direga. Le a bona? Ke—ke—ke a le rata, gomme ke—ke nyaka go le thuša, eupša le. . . Theetšang se ke yago go se bolela.

¹⁹³ Motho a ka tsoge a kgona bjang go hlatha dikgopolo ka go batho, le go šetša se se diregago? Bjale, a yeo ke nnete? Ge bona. . . ge seo se ka be se dirilwe ka—ka Sodoma, e ka be e sa eme lehono. Le a bona? Ke ye kgolwane, ebile e. . . go bile bontši bo direga thwi fa ka mothalong wola go feta go ngwadilwe ka go Beibele ka moka.

¹⁹⁴ Ka kopanong ye bontši bo dirilwe ka mothalong wola wa leswao la godimodimo, la tsogo ya Kriste, le Bogona bja Gagwe, go bontšha gore Yena ke Modimo wa go swana, Yena wa go swana, ka leswao la go swana, a dira selo sa go swana. Gomme O rile, Yenamong, “Ga ke dire selo go fihla Tate a Mpontšha pele ke dire eng.” A yeo ke nnete?

¹⁹⁵ Bjale, ge A be a eme fa, gonabjale, a apere sutu ye, O be a ka se kgone go go fodiša ntle le ge o Mo dumetše. Bjale, A ka kgona go go botša se bothata bja gago e bego e le sona, dilo tše ntši boka tše, eupša A ka se kgone go go fodiša, gobane O šetše a e dirile. “Ka megogoma ya Gagwe re *bile* go fodišwa.” A yeo ke nnete? E šetše e fedile, e šetše e dirilwe, motho yo mongwe le yo mongwe.

¹⁹⁶ Bjale, theetšang sekgauswi, beke ye ke lekile go le dira le bone tsela ye kgolwane ya go e dira. Bjale, go bile le Mojuda nako ye nngwe yoo a rilego, “Etle, bea diatla tša Gago godimo

ga morwedi wa ka, gomme o tla phela.” Woo e be e le motlwae wa Sejuda, go bea diatla godimo. Eupša Moroma, Montle, o rile, “Ga ke na maswanedi gore O tle ka tlase ga tlhaka ya ka, e no bolela Lentšu.”

¹⁹⁷ Gomme ge le bona Lentšu la Gagwe le dirwa go bonagala e sego feela le nna, eupša le lena, tumelo ya ka go mpho, tumelo ya gago go Modimo yo a rometšego mpho, le go e bona e šoma magareng ga rena, yoo ke Modimo.

¹⁹⁸ Ke no duma nka kgona go tliša seo go yo mongwe le yo mongwe wa lena. Ge nka kgona feela go dira sehlopha se sennyane se go bona seo, go tla ba le Pentecost ye nngwe e direga gonabjale, ge nka no kgona go le dira le kwešiše ka kgontho se e lego.

¹⁹⁹ Bjale, a nke ke no ya go e kgabola gape, ebang tlhomphokgolo ka kgontho bjale, lebelelang, Modimo o tšepišitše dilo tše go direga mo matšatšing a mafelelo, šedi di a direga. Nna, ka go nnamong, ke moserutege, ebile ga ke ne thuto ya sekolo sa go tlwaelega, ga ke tsebe selo ka dilo tše, Tate wa Legodimong o a tseba gore go bjalo, eupša ge ke tswetšwe ka lefaseng, ge ke be ke sa no ba mošemane yo monnyane, ke bone dipono gomme e bile masome a dikete tša tšona, gomme ye nngwe le ye nngwe ya tšona e be e phethagetše. Ga go selo se tee, ga se ka ke ka akanyetšapele e ka ba eng, eupša se se diregilego feela tlwa ka tsela ye E rilego se tla direga. Le a bona?

²⁰⁰ Bjale, gona o dula fale, gomme o tleleima go ba Mokriste ka tumelo, gona tumelo ya gago mong e ya go te—te Terone ya Modimo, le go kgwatha Moprsta yo Mogolo, gomme O retologela morago ka mpho le go araba thwi morago go bontšha Yena ke Modimo wa go swana yoo a bilego, yo a lego ka go nna, le ka go lena, Yena ke Modimo wa go swana.

²⁰¹ Bjale, seo ke . . . A le kile la bona seswantšho sa Sona morago kua, go molaleng le na le sona? Morongwa yola wa go swana, Seetša sela seo le se lebeletšego go seswantšho sela (Ge ke kopana le lena mo Setulong sa Kahlolo, elelwang ye ke therešo.), ga se dikgato tše pedi go tloga moo ke sepelago tikologong gonabjale. Yeo ke nnete. Ga o e dumele, thoma go nagana se sengwe se sebe ka yona, bona ge A sa go botše ka yona. Le a bona? Modimo o sa le Modimo, O swanetše go ba Modimo, Yena ke Modimo, ka mehla O bile Modimo.

²⁰² Gomme bjale lebelelang, ge tlotšo yela fa . . . Bjale, mohlomongwe banešu ga ba dire seo, eupša ba ke badiredi ba bangwe, go ne dimpho tše senyane di rometšwe go Kereke ke Modimo. A yeo ke nnete? Baapostola, go rago “baromiwa,” baapostola, bapofeta, bao ke baboni, le—le barutiši, badiša, baebangedi. Tšeo ke dimpho tšohle tše di dutšego fa mmogo, bjale e sego feela ofisi e tee, eupša diofisi tšohle tše mmogo, ka Moya wo Mokgethwa mo o di bonagatša.

203 Badiša ba, ba le rutile tsela ya go phela, o latetše ditaelo tša bona le go amogela Moya wo Mokgethwa. O amogela ya bona . . . Moya wo Mokgethwa le go amogela phološo ka go latela tlwa se barutiši bale ba go boditšego go se dira. Bjale, ke tlile le go le botša go dumela go Morena Jesu Kriste, O tla bolela morago, gomme še yona ka mpho ye nngwe. Bjale, o feta ka tlase ga seatla sa ye nngwe le ye nngwe ya tšona dimpho. Wena, o ka palelwa bjang? E ka se kgone go palelwa. Ge o sepela go kgabaganya sefala se, gomme monna wa pele a bea seatla sa gagwe godimo ga gago, o re, “Ke a Go leboga, Modimo, go mphodišeng,” wa tloga fao o hlalala.

Bjale, a re inamišeng dihlogo tša rena, yo mongwe le yo mongwe.

204 Morena, go tswaleleng ga kopano ye ya matšatši a mahlano, ke a lemoga fa, lehono, tlhokofalo ya batho. Gomme ke a lemoga gore leemaema le go feafea, le ngangego, Sathane o tla lahlela kgakanego yela magareng ga bona go ba thibela go ba le tumelo, eupša re kgopela Wena, Morena, go mo šitiša. A nke Moya wa Kriste o mmuše go tšwa fa.

205 Gomme a nke batho, ge ba feta godimo ga sefala, ba elelwe ba latela feela tlwa se Lengwalo le rilego dirang, “Maswao a a tla latela bona ba ba dumelago.” Ka nnete, ka ditirelo tše tlhano tša go otloga, tiišetšo ya Bogona bja Gago, ka go bolela ka maleme, ka tlhathollo ya maleme, ka go fodiša batho, go ba ntšha ditulong tša bagolofadi, le go dikologa godimo ga lefelo, le malwetši, le—le dilo tše di boletšwego le go botšwa batho, gomme ka gona, go boneng maatla a Modimo a ba phološa, go boneng dilo tše tšohle di direga, ka kgontho, ba a dumela.

206 Dira go tsebja dipelo, sephiri ebile le ka pelong, le batho ba ba rapedišago, baratwa ba bona le go ya pele. Ka nnete, ba kgona go bona ke morategi Morena Jesu.

207 Bjale, a nke A tle ka maatleng a Gagwe, ka maatleng a Gagwe. Ke šegofatša baena ba ka mo, Morena, ba ba yago go ema le nna, badiša ba le barutiši bao ba nthušetšego, bao ba nkemego nokeng, Modimo ba šegofatše, a nke diatla tša bona le mmele di tlatšwe ka Moya wo Mokgethwa.

208 Gomme ge batho ba ba babja, bao—bao ke bana ba yo mongwe, mmago yo mongwe, tatago yo mongwe, monnamogatša wa yo mongwe, mosadimogatša wa yo mongwe, e ka ba wa ka, O Modimo, ka tlhokofalo ya go teba kudu, a nke batho bale ba kwešiše gore ba šetše ba fodišetšwe, ba swanetše feela go e amogela. E fe. “Ka megogoma ya Gagwe re fodišetšwe,” gomme a nke yo mongwe le yo mongwe a fodišwe yo a fetago go kgabola motalo wo morago ga sekgalela se, ge re bea diatla godimo ga bona, Leineng la Jesu. Amene.

209 Ke ya go kgopela baena ba ka fa, gore le tla dira motalo, thwi go bapa *fa*. Etlang thwi godimo fa mo sefaleng. Etlang

thwi godimo fa gomme le dire mothalo o lebane morago ka tsela *ye*, o lebane morago ka tsela *ye*. Yeo ke nnete, lena baena ba badiredi . . . ? . . . Bjale, bjale, bopang mothalo wo mongwe thwi ka lehlakoreng *le*.

²¹⁰ Amene. Ke nako ya tiro bjale. Moya wo Mokgethwa o ipontšhitše Yenamong go ba gona, Lentšu le itlhatseditše Lonamong, bjale ke nako ya gago go dira, ye ke nako ya gago. Ke ba bakae ba dumelago? Go lokile, ge le latela mohlala go kgabola mothalo wo morago ga sekgalela se, etlang go kgabola le dumela. Eya morago go setulo sa gago, o e fa Modimo tumišo. Ga go kgathale se e lego pošo ka wena, dumela go le bjalo.

²¹¹ Ge go na le segole e ka ba sefe, ke a nagana go na le yo mongwe fa go—go kgorometša setulo sa bagolofadi, a nke ba ba kgoromeletše thwi godimo go bapa *fa*, re tla tla tlase fale le go ba rapelela, ga se ba swanela go ba tliša sefaleng, re tla tla tlase fale. Le ka se swanele go ba kukela godimo, goba e ka ba eng, nno ba tliša thwi mmogo *fa*, gomme re tla tla tlase le go ba rapelela.

²¹² Bjale, ke ba bakae ka moagong wo bao bafodilego, bao ba yago go tšoenana le rena ka thapelong? . . . ? . . . Bjale, retologang go dikologa batho ba go babja, lebelelang ke mang a yago go le rapelela, lebelelang godimo ga sefala se mo.

²¹³ Bogona bja Moya wo Mokgethwa, leswao la godimodimo! Leswao le ga se la ke la dirwa ka Kerekeng ge e sa le go tloga matšatšing a baapostola, rahistori šo o eme fa, gonabjale, ga se nke ya ke ya dirwa ge e sa le matšatšing a baapostola. Gobaneng? Se ke Seetša sa mantšiboa, Sodoma e gohle go re dikologa, ke go Kereke ye e bileditšwego ntle.

²¹⁴ Bjale, se ke selo se Modimo a nyakago o se dira: Feta go kgabola fa, gomme ka pela ge o etla go kgabola, etla ka tumelo ya gago e beilwe go Modimo, le go re, “Ke a e dumela gonabjale, Morena, gomme ke a e amogela,” sepela thwi go tloga sefaleng, go fedile nako yeo.

²¹⁵ Go lokile. Bjale, ke nyaka batho bohle ka go batheeletši le bona go rapela le rena bjale, ge re inamiša dihlogo tša rena ge batho ba etla go kgabola.

²¹⁶ (A re beeleng se thoko mo, gore go se be le yo a tla gatago godimo ga sona, go swana le godimo *mo* ka lehlakoreng. Bjale, ngwanešu, yo mongwe wa lena fa o tla tšea *se*. Ngwanešu Kopp, mohlomongwe ge o ka swara *se* ge ke rapelela balwetši, Ngwanešu.)

²¹⁷ Oo, se sengwe se swanetše go direga, a ga se sona? Ke ba bakae ba dumelago ke sona? Ke a dira. Bjale, a re inamišeng dihlogo tša rena bjale, ka tlhompokgolo, gomme, ge re rapela, gomme a nke batheeletši ba thome go tla go kgabola bjale.

²¹⁸ Tate wa rena wa Legodimong, mosadi yo o phuleletša pele bjale ka go mothalo wo mogolo wo wa thapelo, bakeng sa morago


ga sekgalela se, o tla go kgabola pele, seatla ka morago ga seatla se tla bewa godimo ga gagwe, le ba bangwe, ge ba feta kgauswi, ge dithapelo di eya godimo mogohle.

²¹⁹ Bjale, Morena, se ke . . . Ga ke dumele O ka kgona go dira e ka ba eng go feta se O šetšego o se dirile. O laeditše Bogona bja Gago, O tiišeditše Lentšu la Gago, o dirile dilo tšohle tše kgolo tše.

Gomme bjale, Morena Modimo, a nke go be bjalo, a nke yo mongwe le yo mongwe a fodišwe ge ba feta go kgabola. Leineng la Jesu Kriste, e fe, Morena, ge ba eya.

[Ngwanešu Branham o rapelela batho ba go babja, a mantši a mantšu ga a kwagale—Mor.]

²²⁰ Ke nyaka go emiša mothalo motsotso feela. Le bona mošemane yo monnyane yo wa lekhalate? Bošegong bja go feta o fodišitšwe le go tlošwa go tšwa go bogole, ka go setulo sa bagolofadi, šo o sepela go kgabola fa go fa Modimo letago . . . ? . . . Modimo a go šegofatše . . . ? . . .

Tšwelangpele le rapela yo mongwe le yo mongwe, tšwelangpele le rapela, le ka Bogoneng bja Modimo. 

62-0624 Leswao La Godimodimo
Great Western Exhibit Center
South Gate, California U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org